

$\frac{4}{12}$

H 21. Mar.




George Paterson of
Castle Huntly Esq.^r

E. Abi. Jon^{te} Hammond
1731

p. 3.6

Celui que Dieu aide, fait encore mieux
que celui qui se leve matin.



Digitized by the Internet Archive
in 2019 with funding from
Wellcome Library

<https://archive.org/details/b30499483>

PETRI DE
MARCHETTIS

PHILOSOPHI ac MEDICI Patavini,

EQUITIS D. MARCI,

ET IN

Patrio Gymnasio Chirurgiæ olim, nunc
vero Anatomes Professoris,

OBSERVATIONUM

MEDICO-CHIRURGICARUM

RARIORUM SYLLOGE.

Accefferunt Aliquot

OBSERVATIONES AUCTORIS
POSTHUMÆ.



L O N D I N I:

Impensis J. NEWTON, in *Little Britain*.
MDCCLXXIX.

94660(T)



O D E.

Hostis minanti subripuit virum,
 Qui concidentem fulmine, civica
 Olli decorabat corona
 URBIS meritam generosa frontem.
 Decreta magnum est irrevocabilis
 Miscere fati, pollice ferreo
 Vitamque tollentes sorores
 Intrepida prohibere dextra.
 At jam recisum jungere coelica
 Virtute flamen, majus ; adoream
 Huic fulva gemmis aggravatam
 Gangeticis paret unda ripis.
 Desævientis spiritus æneus
 Æstus vagantes pectoris excitet,
 Tremant tumultus proceliorum,
 Et dubii fera castra Martis.
 Mors victa cedit, dum medicam manum
 Marchettus ægris porriget, igneam
 Vitam qui inaccessu tonanti
 Eripuit meliore fato.
 Jactet cruenta funera cuspide
 Ferocientis dextera militis
 Tormenta nimbo fulminanti
 Vulnificos jaculentur ignes:
 Nulli timendum, dum Podalirius
 Noster peritis artibus inseret
 Vitam, recisos sive junget,
 Seu rigidos animabit artus.
 Phœbo probatos novimus aureæ
 Mentis labores ; hac methodo fretos
 Nunquam profundi coget Orci
 Vulnus atrum properare sedes.
 Abeste Divi, terricolæ valent
 Arcana Cœli pandere, texuit
 Vestris vagans in viretis
 Mente sibi diadema vitæ
 Marchettus, & per regia compita
 Formam prioris carpsit originis ;
 Secretiores, & cupivit
 Luminibus penetrare partes ;
 Hinc mira virtus ora, faventibus
 Crevit docendi prosperitas Diis ;

Hinc

O D E.

Hinc fluxit in nos, dum notatis
Docta patent monumenta chartis.
Quæ non peribunt, fixa sed atriis
Divûm manebunt; quæ nec aheneus
Dissolvit imber, nec severum
Exitium meditatus ignis.
Tibi flagrantès interea fores
Laxantur, almæ lucis honoribus,
Te PETRE suspirat, fluenti
Turba micans religare ferto.
Conscende Cœlum, dum tibi Numine
Favent amico sydera, jam Dij
Fulsere lævum, jam serenum
Non dubia tenuere flamma.

*M. Ant. Franchinus
Phil. & Med D.*

V. C.

Petro de Marchettis, Equiti,
Medico, ac Anatomico eximio,
Qui
Artis dexteritate, solido doctrinæ specimine
Evolantes animas sæpe ad vitæ moras
Revocans,
Sux famæ nomen
Ad æternitatis Delubrum appendit:
Et, ut olim ad Dianæ Ephesiæ templum,
Hic medicas exhibet tabellas;
In quibus
Ignotas artis vias perlustrans,
Mutilata conglutinat corpora,
Ut integra exponat;
Mæandros corporis rimatur occultos,
Ne periclitetur corpus;
Crudeli mortis lanienæ sese opponens,
Fatorum jura
Aut frangit, aut vincit.
In cujus manu
Ferrum, non artubus, sed morbis ferrum est.

Præceptori suo

Ant. Scar Phil. & Med. D.



DE
VULNERIBUS
CAPITIS.
CUM
FRACTURA CRANII.

OBSERVATIO I.

*Vulnus cum fractura cranii, & effluxu particulæ
cerebri, in sene sexagenario.*



OGATUS sæpissime a quampluribus medicinæ studiosis, ut observationes meas Medico-Chirurgicas typis committerem; deliberatum id a me nunquam fuit; quod a meis discipulis publicè, cum in Nosodochio, tum aliis locis, non solum fuerint observatæ, sed etiam scriptis mandatæ; quas proinde supervacuum censerem in lucem edere. Verum cum amicorum aliqui eas

B

denuo

denuo sollicitarent, rariores saltem, publici juris facere decrevi ; eo tamen consilio, ne tirones totam omnino Chirurgicam artem doceam, sed observationes raras magis solum in medium afferam, a capite ad plantam usque pedis. Quia vero non possunt omnia in memoriam revocari, nomen nempe patientum, tempus ægritudinis, & cætera ab auctoribus proponi solita, non mirum videbitur, si in plerisque hæc prætermisero, utpote qui spatio quinquaginta annorum, & ultra, quibus artem Medicam, & Chirurgicam profiteor, nullam harum observationum adnotarim: Quas itaque rudi stylo, benevolo tamen animo, tibi exhibeo, æqui bonique consule, erudite lector.

Atque ut a capite incipiam, memini me curasse senem sexagenarium, præsentibus Excell. D. Veslingio, meo tunc discipulo, præclarissimo ac eruditissimo Joanne Rhodio, multisque studiosis, qui cum nocturno decidisset ex scala in caput, impigit in lebetem æneum, secuto inde vulnere, cum dilatatione futuræ coronalis, ut ossa bregmatis digitis omnino undiquaque moverentur; ea vero parte, quæ cartilaginea in pueris solet esse, inveni ossa fracta, quibus eductis, postmodum foramen magnitudine magnæ avellanæ superstes fuit, ex quo copia cerebri corrupti exivit; Æger vero infra scripta hac methodo curatus, vixit decem, & plures annos sanus.

A principio vulnus dilatavi ferramento incidente ; deinde eduxi ossa illa fracta, unde membranæ manifestissimè apparuerunt laceratæ, & contusæ ; quæ putruerunt, cum cerebro sub ipsis corrupto. Interim

terim supra membranas applicui mel rosaceum per duos, vel tres dies; postmodum oleum abietinum, cum melle rosaceo mistum, ad detergendam & concoquendam materiam in ipsis, & cerebro hærentem, à quibus pro corroboratione portiunculam Balsami nigri Occidentalis, cum paucò oleo hyperici indidi; quod vero mirum, contusum cerebrum ante applicationem medicamentorum, cum abstergerem gossypio, mane & vesperi, ejus portio prodiit, cœpitque medicamento præscripto rubescere, supra quod caro genita fuit, operuitque totam partem læsam, ut solummodo filamenta imbuta unguento ex tuthia applicuerim, superinjecto cerato ex diachalcitide; quibus spatio duorum mensium æger fuit feliciter sanatus; administratis tamen prius universalibus, immisso scilicet clystere, vena secta ex salvatella; necnon etiam per intervalla, cucurbitulis scarificatis & non scarificatis admotis, lenientibus, alterantibus, & diæta convenienti; verbo, omnibus illis peractis, quæ inflammationem, & fluxionem prohibere apta erant.

OBSERVATIO II.

*Vulnus partis posticæ capitis, cum fractura Cranii,
& cerebri parte corrupta excreta.*

ALium patientem quadragenarium curavi, vulneratum parte postica capitis, paulo supra futuram lamdoidem. Vulnus erat magnum ad quatuor digitos transversos, os movebatur ad tactum, & membranæ cum cerebro erant scissæ. Ab initio barbitonfor adhibuerat stupas

imbutas ovi albumine; ego verò sequenti die vocatus, supra cerebrum apposui filamenta arida tenuissima, membranis verò oleum rosaceum, quia erant inflammatae, labiis vulneris digestivum rosaceum; postmodum linimentum simplex, cataplasmata cephalica, & embrocationes ex oleo rosaceo undique circa partem læsam; atque in curatione quotidie gossypio abstergebam portiunculas cerebri vulnerati, & corrupti; a quibus aliquot post dies supra ipsum adhibui oleum hyperici; ex cuius usu decimo quarto die exacto cœpit succrescere caro rubra: postmodum usus sum unguento ex betonica supra ipsam carnem, per aliquot dies, eo consilio, ut hæc citius gigneretur. Tandem filamentis mollioribus, & cerato ex diachalcitide cicatricem induxi, ut spatio quinquaginta dierum fuerit perfectè sanatus æger.

Animadvertendum tamen, quod in omnibus vulneribus cum capitis, tum aliarum partium, nisi fuerint parvi momenti, semper curatio instituenda est, quæ prospiciat toti corpori, sanguine scilicet educto, lenientibus, alterantibus, & purgantibus exhibitis, cum optima victus ratione, prout opus fuerit; quod etiam in hoc patiente diligentissimè factum fuit. Quod semel dixisse volo, nè in posterum id frustra repetendum mihi sit.

OBSERVATIO III.

Portio cerebri, cum annexa dura, & pia membrana, ex cranii Fractura educta.

CAROLUM Justachinum, civem Patavinum curavi, ense fauciatum supra caput, prope futuram

futuram sagittalem, cum læsione cranii, & membranarum: prima siquidem lamina, & spongiosa erant separatæ a vitrea, quæ latitudine superabat crassitiem digiti pollicis, longitudine digitum annularem. Hæc vero non solum separata erat a prædictis partibus, sed etiam contusa, & simul cum dura menynge rupta, cui hæc lamina adhærebat. Tonfor a principio dilatavit vulnus, & apposuit medicamenta accommodata, in superiori observatione proposita, quæ non repeto; sequenti die, propter symptomata indicantia terebrationem, perforavi os, ex cujus foramine aliqua portio sanguinis effusi prodiit; applicui deinde medicamenta inflammationi & contusioni ipsius membranæ, ut supra diximus, dicata, eadem methodo per aliquot dies; dum vero progressu temporis abstergebam partes ipsas subjectas, gossypio stylo obvoluto, vitream laminam hinc inde moveri percepi, ut coactus fuero novam cranii perforationem primæ contiguam efficere, ut educerem vitream separatam ab aliis partibus ossis: verum omnia incassum, quia magnitudo ipsius vitreæ excedebat latitudinem foraminis facti: quare paravi forcipem validum satis, quo apprehendi ipsam laminam, atque singulis diebus portiunculam ipsius abscidi; quam tandem diminutam volsella eduxi, cui annexæ erant membranæ, dura & pia, cum portiuncula ipsius cerebri:educta lamina, infudi vinum album alteratum betonica, matrifylva, stœchade, per aliquot dies, & spatio viginti dierum cœpit caro rubra apparere supra cerebrum, erumpentibus undique circa

omnes

omnes partes vulneratas ossibus perforatis, & læsis; atque progressu quadraginta dierum circiter æger omnino fuit sanatus, qui adhuc prospera utitur valetudine.

OBSERVATIO IV.

Vulnus mediæ partis capitis, ad corpus usque callosum pervadens, cum magna vi sanguinis effusi, ad lipothymiam usque, feliciter sanatum.

FAMULUM quendam in nobilissima Zabarel-læ familia sanavi, cui vulnus fuit inflitum in parte media capitis, ubi cerebrum a falce dividitur, usque ad corpus callosum, vasis sectis, & sinu falcato, adeo ut ad duas libras, & quod excedit, sanguis efflueret, ex qua evacuatione in lipothymiam incidit æger, ut mortuum adstantes crederint; me accito, patiens quasi a somno profundo expergefactus, sanguinem denuo effudit; ego vero statim opplevi totum vulnus, quod æquabat longitudinem totius capitis, perveniebatque ut dixi, usque ad corpus callosum, gossypio usto, imbuto ovi albumine, bolo armena, sanguine draconis; filamentis tandem aridis supra gossypium, & stupa imbuta eodem ovi albumine, cum dictis pulveribus, unde sanguis fuit firmatus, tertiaque tantum die stupæ, & filamenta arida, cum aliqua portione gossypii usti fuerunt sublata, alia portione ejusdem, cum pulveribus, quæ adhærebat vasis, superstitæ, qui pulveres post decimam quartam paulatim fuerunt separati, nec sanguis amplius fluxit. Interim supra labia vulneris, ut
supra

supra dictum est, applicui digerentia, supra cerebrum vero prædictos pulveres, cum filamentis aridis; a quorum usu circa vigesimam diem coepit apparere cerebrum rubrum, & carne tectum; ut propterea administraverim medicamenta usque ad perfectam sanitatem superius proposita, quibus non sine divina ope fuit, felicissime sanatus.

OBSERVATIO V.

Vulnus magnum, cum paralyti brachii oppositi, & linguæ, sanatum, educto frustulo ossis, cum portione membranæ piæ, & cerebri.

ANTONIUM Vendramenum, Patavini hujus Collegii Philosophiæ Doctorem, multis vulneribus confossum fuisse memini, inter quæ, capitis duntaxat, observatione dignum erat, quod in parte ejus dextera totum cranium, & membranas ipsas penetrabat, adeo ut frustulum ipsius laminæ vitreæ, ubi fermè vulnus definebat, pungeret membranas, & cerebrum; ut propterea, præter alia symptomata his vulneribus communia, hoc fuerit huic proprium, paralytis nempe in brachio opposito, & lingua, adeo ut nec loqui, nec brachium movere posset. Præter communia medicamenta, quæ a principio hujusmodi vulneri conveniunt, sequenti die terebravi cranium in media vulneris parte, nullo tamen juvamento, sed iisdem symptomatibus affligentibus, ut proinde novam terebrationem tentare statuerim, sed frustra; unde per aliquot dies apposui supra membranas inflammatas oleum rosaceum, quâ postmodum

dum sublata ; post septimam nempe, oleum hyperici, necnon, quia calvus erat patiens, atque membranæ à calvaria distabant, quod in calvis semper observavi, paravi injectiones ad abstergendas, & corroborandas partes subjectas, prius ex vino albo mulso, postmodum eodem alterato medicamentis superius propositis, curatis labiis, & aliis partibus, sicuti supra dixi. Hæc tamen omnia in cassum tentata, quia nec motus brachio, nec linguæ rediit spatio viginti dierum. Tandem alias duas molitus sum perforationes, certior factus, læsas esse membranas, & cerebrum a frustulo aliquo ossis vellicari, quod compertum ; in ipsa siquidem operatione impegi modiolus in ossis frustulum, quod vossella apprehensum eduxi, cui annexa erat portio membranæ piæ, & cerebri, unde vix media post hora motum linguæ, & brachii recepit ; repetitis proinde injectionibus, ad sanitatem ægrum perduxì, medicamentis præscriptis, qui vixit postea per multos annos incolomis.

OBSERVATIO VI.

Fungus ex capitis vulnere pulveribus ex spica, & schœnantho inspersis, sanatus.

IN consilium vocatus, vidi patientem vulneratum in sincipite, cujus vulnus ad cranium usque & duram menynghem pertingebat ; cum vero ad ægrum aliquot post dies a vulnere inflicto reviserem, observavi fungum avellanæ magnitudine. Consului ut inspergerent pulveres ex spica, & schœnantho, quorum usu, sequenti die attritus

attritus est, & brevi etiam propriis remediis vulnus sanatum. Quo remedio sæpius fungos sanavi, ac proinde tanquam arcanum vobis propono.

OBSERVATIO VII.

Epilepsia duos, aut tres menses, à vulnere cranii intempestivè obducto, terebratione sanata.

CONSULTATIONEM me habuisse aliquando memini cum præclarissimo D. Julio Sala Professore Patavino, de quodam vulnerato pugione in capite, cum læsione non solum cranii, & membranarum, sed & cerebri ipsius. Vulnus quibusdam Medicis exterius curatum fuerat, introducta quinetiam cicatrice, ex qua duobus, aut tribus post mensibus, Epilepsia correptus est æger, qua bis, aut ter quolibet mense divexabatur; quem cum Excellentiss. Sala interrogaret, an aliquando vulnus aliquod in capite passus esset, ipso vero id affirmante, specillo statim immisso, sub ipsa crusta inveni vulnus prædictum penetrans; unde illico deveni ad sectionem, & dilationem partis, adhibita, sequenti die, terebratione, ex qua effluxerunt ichores quidem flavescentes; quorum ratione, supra cerebrum, & membranam, Balsamum nigrum occidentale viginti dies adhibui; quorum usu caro rubra cœpit succrescere, ægro spatio triginta dierum à vulnere, & Epilepsia liberato.

OBSERVATIO VIII.

Vulnus cum insigni depressione frontis, eadem non sublata, sed rima tantum dilatata, triginta diebus sanatum.

CURAVI puerum septem annorum, cui in fronte ab ictu pedis equini facta fuit insignis ejus depressio, quam nec triploide, nec vecte attollere potui. Verum quia in quadam ejusdem parte aderat rima, scalpro abraforio eam dilatavi, ex qua aliquæ ferositates emanabant, ut medicamenta ad membranam usque pervaderent, ex methodi lege applicita: a quibus decimaquarta die, genita hinc inde carne, melius habuit æger; qui tandem vulnere carne repleto unguentis farcoticis, spatio triginta dierum fuit omninò sanatus, & optima hucusque fruitur valetudine.

OBSERVATIO IX.

Vulnus posticæ partis capitis, cum depressione ossis, & contusione, sine terebratione perfectè sanatum, in puella.

PUELLAM quandam ex familia Ridi observavi, quæ, cum ex scala decidisset, & parte capitis postica imegisset in ejusdem lapideum gradum, insignem depressionem ossis passa est, cum contusione tantum. Cum verò ejusdem Parentes non concederent sectionem, nec operationes in his casibus pernecessarias, sed medicamenta duntaxat applicarent ad inflammationem, &

contusionem, præter Medicorum spem a natura fuit sanata: superstitè tamen insigni depressione ossis, sine ulla tamen puellæ molestia; quæ adulta postmodum nupta fuit, & liberos procreavit; nuncque optime degit. Non proinde metuendum admodum pueris hoc modo contusis, ob molli-tem ipsius cranii.

OBSERVATIO X.

Ex vulnere anguli majoris oculi maturius occluso, aliud vulnus in cervice, cum febre, quæ cessavit, eodem patefacto, & curato.

RIGATIAM quendam nomine novi, pugione in angulo majori oculi læsum, ad quem statim vocatus, observavi labia vulneris futura a Barbitonfore ad mutuū contactum adducta, nullo tamen molesto symptomate, præter febrem satis vehementem. Ægrum vero cum interroga-rem, an sentiret dolorem in partibus internis, de eodem, & quidem gravi conquestus est in occipitis parte opposita cervici; qua inspecta, deprehen-di vulnus parvum in extremo occipite. Quapropter sectis punctis, quibus labia adducta invicem jungebantur, specillo demisso ad extremum us-que vulnus, ipsum occiput exploravi; ac proinde in ejusdem partem anteriorem, & posteriorem immixtis exiguis turundis ejusdem magnitudinis, quæ longitudine non excedebant crassiti-em duorum digitorum, supra has imposui medica-menta digerentia, & desuper ceratum ex cerusa. Pure vero jam apparente bono, & laudabili, u-

fus sum unguento ex Betonica per aliquot dies; quibus transactis, cœpit succrescere caro; quare turundis decurtatis, atque decima quarta, cessante febre, iisdem omnino eductis, filamenta imbuta unguento ex tuthia applicui, superaddito cerato ex Diachalcitide; quorum usu spatium viginti dierum fuit sanatus æger; administratis a principio remediis universalibus ex methodi lege, ut supra dictum est.

OBSERVATIO XI.

Vulnus musculi temporalis, cum fractura Cranii, & membranæ duræ, accedente febre viginti dierum, sine terebratione feliciter sanatum.

LANIO quidam fuit vulneratus in parte laterali capitis, cui secto musculo temporali, cranio, & membrana dura, omnia symptomata, quæ solent alioquin in his vulneribus apparere, suborta sunt; & quod gravius, cum tanta copia sanguinis, ut lipothymia successerit. Vocatus, vidi ipsum veluti mortuum; & quamvis sanguis ad partes internas refluxisset, quod semper solet contingere in lipothymiis; adhibui tamen omnia illa medicamenta, quæ vim habent sanguinem sistendi, gossypium nempe ustum, pulveres astringentes, cum ovi albuminibus; quibus ejusdem fluxus sedatus est; ut propterea tertia tantum qualibet die vulnus detexerim, & unguibus, quam optime fieri potuit, separaverim musculum ab ipso cranio; verum quia non erat terebrationi locus, & sedes instrumenti erat valde ampla, per quam materia

ria effluere posset, abraforio tantum scalpro locum lævigavi, ipsumque nonnihil dilatavi, ut nulla opus esset terebratione, materia purulenta obstructis naribus, ex partibus subjectis vi propulsa. Initio vero instillavi oleum rosaceum, ad septimam usque diem; postmodum vinum album mulsum injeci, abstergendis vulnere & partibus internis, atque aliquo modo corroborandis. Postea alia injectione usus sum ex vino albo, alterato medicamentis superius propositis; quibus tamen spatium quadraginta dierum æger convalescere non potuit, quia materia saniosa continuo effluebat; cannulam propterea imposui plumbeam, quæ materiam assidue effundebat, quam gestavit duos menses circiter. At quia hic patiens errabat continuo in victus ratione, vulnus non potuit ad cicatricem perducere, propter generationem copiosi puris: quoniam incidit in febrem, quam curavi viginti dies, vulnere non neglecto, cui applicui balsamum nigrum occidentale; præscripta quinetiam diæta, ratione febris; quibus perfecte sanatus fuit, necnon medicamentis alias propositis; ita tamen, ut miser patiens, teste Hipp. libro de Vulneribus capitis, quod & ego sæpe in praxi observavi, non posset aperire totum os; quia secta parte musculi temporalis, alia convellitur, unde postmodum impotentia illa os diducendi.

OBSERVATIO XII.

*Contusio gravis syncipitis, cum prolapsu in terram,
& privatione facultatum principum, neglecta terebratione, lethalis.*

DIVI Antonii Festo, fenestra lignea satis gravis ex alto decidit in bregma cujusdam juvenis, cute tamen non scissa, sed graviter contusa; ex quo casu in terram prolapsus æger, sine sensu, & motu, cum privatione omnium facultatum principum, horæ spatio; ad quem Medicus magni nominis, simul cum quodam Chirurgo vocatus a principio, applicuerunt medicamenta consueta, ovi nempe albumen, oleum rosaceum, & similia: ego vero accersitus secunda die, statim ad cutis sectionem, & cranii perforationem deveniendum censui, renuentibus chirurgis me senioribus, nec non patre ipsius ægri Varisco: verum tantummodo præscribentibus cataplasmata, inunctiones, & alia externa remedia. Quindecim vero, aut sexdecim post diebus, denuo accitus, cum viderem tumorem in parte læsa satis magnum, atque sub digitis perciperem pus fluctuans, nedum tamen permiserunt ossis excisionem; at iterum post vigesimam vocatus, annuentibus tandem omnibus, sectionem cruciatim administravi, ex qua maxima copia puris effluxit; cujus ratione summi illi viri terebrationem reprobarunt, nisi post quadragesimam diem, hac observatione adducti; quod natura per porositates ossis cranii purulentam materiam

teriam supra membranas, & cerebrum hærentem trans mittebat; quod antea certe nunquam vidi; materia siquidem effluebat per poros, ad unciam unam quolibet die: quapropter ægrum cum terebraſſem, ex foramine cotidie copioſum pus emanabat; ipſo tamen ægro ſexageſima extincto. Huic ſimilem etiam caſum in cive quodam Patavino Merio, pila ferrea contuſo in capite, obſervavi, cum effluxu ſanioſæ materiæ per foraminula, & poros calvariæ; ad quem tertio tantum inviſi, aliis medicis ad ejus curam vocatis, qui a principio, prætermiſſa terebratione, illi mortis autores fuerunt; quod moneo, ne in iſtos incidatis errores, ſi quando præ manibus habueritis hujusmodi vulneratos, cum ſymptomatibus, quæ nobis demonſtrant partes internas læſas.

OBSERVATIO XIII.

Vulnus capitis, cum fractura offis ſyncipitis, & frontis, ſcalpro dilatata rima, poſt ſeptimam, ſanatum.

DELATUS quidam in valetudinarium D. Franciſci, poſt ſeptimam, vulneratus parte anteriori bregmatis, ad principium uſque offis frontis, cum ſectione membranarum: inſtrumenti tamen ſedes non admodum ampla, qua a medico propterea nonnihil ſcalpro dilatata, ex foramine ipſius vulneris ſeroſitates duntaxat effluxerunt, licet non copioſæ; quod vero febre continua laboraret æger, nullo alio ſymptomate moleſta, nec a principio quidem, præter hæmorrhagiam

giam narium, ad semilibram sanguinis, neque materia posset liberè expurgari, ideo deveni ad perforationem ossis: ex qua pauca materia serosa excreta; undecima vero incidit æger in somnum profundum, lethargi æmulum, pulsu tamen valido, cui præscripto victu tenui, cum paucis quandoque vino oligophoro, decima quarta veluti a somno experrectus, erumpente maxima puris copia ex naribus, cœpit loqui, cum delirio; cui proinde statim inunxi partes internas & externas nasi, oleo amygdalarum dulcium, quo facilius laxarentur, ducta quinetiam per nares aqua hordei, cum manna: vulnere autem propriis medicamentis superius propositis curato, vigesima æger fuit liberatus a febre, nec materia ex naribus amplius fluxit. Hic autem observandus ordo ipsius naturæ; initio siquidem vulneris statim sanguis ex naribus fluxit, quam viam postmodum natura sibi parante, totum pus in capite hærens expurgatur, ægro quadraginta diebus sanitati restituto. Non itaque ægri, quamvis motu careant mortuorum instar, præsentibus quinetiam symptomatibus prædictis, sine cibo, ac remediis sunt dimittendi, cum in arte aliquando nascantur monstra, Averroe teste.

OBSERVATIO XIV.

Vulnus capitis sine fractura, & rima cranii, decima quarta lethale, ob copiam puris inter utramque membranam delitescens, ex cerebri contusione.

ALium vidi in eodem Nosodochio æstate, parte media bregmatis leviter vulneratum, cute tantummodo & pericranio læsis, absque ulla offensa cranii. Hic patiens nullum passus est symptoma, neque morbi principio, neque die quarta; quem tamen septima invasit rigor insignis, cum concussione totius corporis; quod remisso frigore incallescere cœpit, prout contingere solet in tertianis: ego vero post intermissionem febris, ipsum terebravi, licet nulla materia ex foramine effluerit: cum vero membrana utcunque humore diffunderet, in illam infudi sanguinem palumbi, ex ala statim eductum, corroborando ipsius calori: qua tamen sequenti die nigrescente, applicui aquam vitæ ad undecimam usque; tandem Balsamum nigrum occidentale, ægro tamen decima quarta extincto. Secto cranio, atque bene undique deterso, & abluto, ac diligentissime ad solem quaquaversum inspecto, nunquam potui in eo rimam, aut aliam aliquam noxam videre; verum secta membrana dura, sub vulnere, inter ipsam, & piam, maximam puris copiam deprehendi, non sine admiratione, nullam fuisse rimam in osse, atque patientem nullum passum esse symptoma ad septimam usque; perinde ac si non fuisset

D

vulne-

vulneratus; ut propterea septima, illud symptoma contigisse conjicere liceat, contusione facta in membranis, & Cerebro; cujus causa aliquod vas fuerit disruptum, ex quo sanguis effluxit; qui cum omnium consensu, extra vasa concreascet, & putrescat, ideo copiosa materia purulenta supra Cerebrum congesta, fuit ægro mortis causa.

DUBITARE vero hic quis posset, an secunda sit dura meninx, quo exitus pateat saniei, supra piam, & Cerebrum collectæ; quod scilicet puncta dura membrana, convulsionum certum periculum immineat, ac proinde mortis: quod tamen nullum censemus, factis duabus terebrationibus ossis, & patefacto usque adeo foramine, ut longa sectio fieri possit supra duram membranam: & quidem hac ratione, quia magna vulnera capitis, quæ non solum secant membranas, sed etiam Cerebrum, sanantur. Quando igitur certo constat, materiam inter utramque menyn gem collectam esse, tunc tuto possumus devenire ad hanc operationem, utcunque periculi non expertem; cum alioqui nullo adhibito remedio, certa mors imminet, atque ex Celso præstet anceps remedium experiri, quam nullum, impiumque sit relinquere ægrum remediis destitutum.

OBSERVATIO XV.

Vulnus anterioris frontis, ad meditullium usque lethale, citra ullam cerebri & membranæ labem, omnibus licet symptomatibus vulneris capitis præsentibus, cum hiato futuræ lambdoidis, & materia saniosa intra ipsas futuras, & supra menynghem delitescente; præter alias observationes magni momenti in curatione vulnorum capitis cum fractura.

TERTIUM in eodem Xenodochio, parte anteriori frontis, pugione graviter satis vulneratum mihi videre contigit, cujus vulnus penetrabat usque ad meditullium. In hoc omnia aderant symptomata vulneribus capitis communia; alienatio nempe mentis, vomitus, aurium tinnitus, & alia ab Hippocr. enumerata: & licet de dolore alicujus partis non conquereretur, secunda tamen die ipsum terebravi, symptomatibus hoc præsidium postulantibus, & membranam aliquantulum inflammata deprehendi, cujus causa usus sum remediis supra propositis, spectantibus inflammationem: licet vero menynghem deprimerem, & patiens obstructis naribus ipsam propelleret, nec quicquam, perforatione peracta, effluxisset, obiit decima quarta. Secta calvaria loco vulneris, nec membrana, nec cerebrum ullam noxam exhibuerunt, vitrea quinetiam illæsa; quam futura lambdoides laxata fuerit, crassitie digiti auricularis, pauca materia saniosa intra ipsas futuras, & supra duram membranam delitescente.

Cui similem casum me nunquam observasse memini, licet contrafissuras in multis Calvariæ partibus viderim, non tamen in futuris; quanquam earum apud auctores prostant exempla.

CIRCA quæ vulnera capitis nonnulla observanda. Primò quod si contingat ex aliquo ictu, incidere patientem in mentis alienationem, cum privatione sensus & motus, nisi alia symptomata ab Hippocr. enumerata accedant, nullum periculum vitæ immineat; ac proinde prætermittenda sit quæcunque operatio, sectio scilicet, & perforatio ipsius Calvariæ: vidi siquidem aliquos ex prolapso, aut ictu læso capite, apparente solo hoc symptomate, sequenti die omnino liberatos. Secundò, eminentiæ rotundæ undique circa vitream laminam, osse terebratione educto, sunt signum manifestum aciem modioli non pervenisse ad membranam ipsam, neque perforationem fuisse causam mortis ipsi patienti; prout vice versa, iisdem non apparentibus, indicium erit membranæ læsæ, ac proinde lethale. Tertiò, animadvertendum non solum totam abradendam rimam, aut sedem instrumenti, ad fundum usque; verum si alterutrum descenderit usque ad meditullium, omnino deveniendum esse ad terebrationem, nullo licet alio præsentē symptomate; hac ratione, quia materia purulenta ex labiis vulneris ad meditullium defluens, per ejus vasa, ad membranam etiam penetrat, inter quam, & Cranium congesta, patienti mortem infert; quod in plerisque observavi, qui propterea administrata perforatione, omnes convalescerunt. Quartò, præter signa ab Hippocrate proposita

proposita, observandum, quod semper alvi fluxus vulneribus capitis accedens, absentibus licet aliis symptomatibus, cerebri læsi signum est, propter ejus scilicet consensum cum nervis sexti paris, qui orificiis ventriculi adnectuntur, quorum ratione inferius laxatur, & alvi fluxus statim succedit. Hi vero fere omnes moriuntur, ob læsum cerebrum parte interna, qua in spinalem medullam exporrigitur, ubi nervorum ortus; omnia tamen remedia in his casibus statim administranda, quæ ad artis opera spectant, ab Hippocrate proposita. Quintò, observavi sæpissime, quod quando in his vulneribus collum incipit dolere, parte potissimum postica & laterali, tunc materia purulenta delabitur ad Thoracis & abdominis cavitatem, quæ longiori mora cum pulmones, tum pleuram, aliquas nempe ipsorum partes, erodit, ex quibus multa sanies emanat, quæ postmodum ad abdomen defluit, cum jecoris & lienis labe, in quibus varias pustulas excitat, quibus disruptis, perinde ac ex pulmonibus & pleura, ita & ex his materia purulenta effluit; quanquam hujus observationis ignari, existiment, abscessus abortos in his partibus, quorum ratione patientes moriuntur, non ex capitis vulnere, quod ex capite copiosum pus posse ad inferna viscera delabi non sibi persuadeant; prout in plerisque observavi, mediam thoracis & abdominis cavitatem pure fuisse refertam. Quam observationem multis tum in theatro Anatomico, tum in Valetudinario S. Francisci demonstravi. Sextò, observatione dignum, quod musculus temporalis nunquam est secandus, contra multorum opinio-

opinionem, qui audacter id præcipiunt, quotiescunque vulnus aut contusio fuerit cum fractura ossis, quod rationibus abunde probatur. Primò, quod plerique sic vulnerati moriantur, Hippocr. sententia; accedente propria experientia, qui observavi, musculo temporali a quibusdam barbitonforibus perperam secto, quarta die patientes convulsos obiisse. Secundò, quod fracto osse sub ipso musculo, omnino lethale sit, ac proinde sectio hujusmodi sit supervacua: quod & ego sæpe vidi, & publice frequenti theatro demonstravi, in quibusdam, solam rimam in osse subjecto musculo temporali repentinæ mortis causam fuisse, cum falso Apoplectici haberentur, sola præsentē contusione, quæ nonnisi gravis, cum ossa subjecta frangit, & musculum ipsum, tum partes internas ipsius cerebri, unde certa mors. Quod si ex symptomatibus nobis innotescant hæ læsiones, extra musculum, parte ejusdem decliviori sectio facienda, ibique terebratio administranda, necnon lato postmodum specillo deprimenda membrana ipsa, quo exitus puri pateat; atque si aliqua depressio adfuerit, vecte elevanda, &, urgente quandoque necessitate, totus musculus transversus secandus; quamvis periculosissima sit operatio. Verum hæc propono, quia vidi quosdam ab hujusmodi vulnere convaluisse, opposita parte licet convulsa, cum nec os ipsum multum patefieri potuisset: quam tamen operationem, nec suadeo, nec improbo; licet, ut verum fatear, nunquam eandem fuerim molitus, quod ægrorum plerique, ut dixi, moriantur antequam vocetur Medicus, dato tamen

metfi, non concesso cafu, ab illa non me abhorre-
re profitear.

Si vero vulnus recto eidem musculo inflitum
fit, digitis potius, & unguibus, quo commodius
fieri poteft, dilatandum, antequam ad abra-
fionem, aut perforationem deveniamus, & globulis
ex filamentis ficcis potius fpatium illud confervan-
dum; quia etiamfi musculus fecetur ductu recto
fibrarum, fuboriuntur tamen fæviffima fymptoma-
ta, cum vitæ discrimine; ut propterea fatius fit
dilatare modo prædicto. Præterea in vulneribus
capitis obfervandum, quod hæc non folum pericu-
lum minantur ad quadragefimam ufque diem, ut
vulgo creditur, fed diutius quinetiam; cum ego
fæpius obfervaverim, quofdam vixiffe ultra tres
menfes a vulnere inflitò. Quidam enim percuffus
folea equi ferrea mense Junio, cum maxima contu-
fione capitis, abfque ullo tamen horum fymptoma-
tum, quæ in his vulneribus alioquin fuboriuntur,
cui licet fectò loco contufo, fanguis extra vafa effu-
fus eductus fit, atque omnes partes contufæ ex-
purgatæ medicamentis propriis, vulnere, mensis
fpatio, anguftiori reddito; nunquam tamen id ad
cicatricem deductum, aliqua portione puris conti-
nuo emanante; quanquam læfio nunquam in of-
fe apparuerit, nullumque fymptoma: mense ta-
men Octobri fuborta eft febris, cum rigore, &
vomitu, atque quarta die ab his fymptomatibus
obiit æger. Aperto cranio, maxima copia puris
inventæ fuit fupra membranas, & intra fubftanti-
am cerebri. Alium etiam vidi leviter vulnera-
tum media capitis parte, non detecto offe, & nul-
lo

lo apparente symptomate, qui a Chirurgis sanatus, tribus post mensibus, quibus incolumis semper vixit, correptus fuit febre maligna, sine ullo symptomate vulneris capitis; post septimam dolor capitis subortus, loco vulneris inflicti tribus ante mensibus, in quo tamen jam ad cicatricem deducto, nihil apparuit, ægro decima quarta mortuo. Secta calvaria, modo jam dicto, pus supra membranas & cerebrum deprehendi; ut propterea vulgi opinioni credendum non sit, post quadagesimam diem, capite vulneratos, ratione vulneris, mori non posse.

TEREBRATIONEM vero capitis quod spectat, video contradictionem in libro Hippocratis de vulneribus capitis; hic siquidem capite vigesimo secundo scribit, facta abrasione, si opus fuerit, *devenendum ad perforationem ipsius cranii ante triduum*, tempore calido potissimum; cum vigesimo nono ejusdem expresse dicat, quod si a principio fuerimus vocati, perforationem ossis usque ad membranas non esse tentandam; quæ manifesta est contradictio; quia si opus fuerit terebrare, quod patet ex symptomatibus vulnere statim supervenientibus, membrana detegenda ante triduum, quo vapores calidi ab imminente inflammatione elevati exhalare possint, atque ejusdem suppuratio prohibeatur, quæ necessario, neglecto hoc præsidio, suboritur, quæ & membranas & cerebrum corrumpit, cum vitæ discrimine. Accedit, quod non detecta membrana, cum nempe totum os non educitur, quamvis parum moveatur, ut inquit Hippocrates, signis apparentibus læsionis partium
inter-

internarum, frustra fuerit terebratio illa, usque ad vitream tantum, dum os sponte sua abscedat: quia pus supprimitur, succedentibus postmodum jam dictis symptomatibus; cum terebrationis nullus alius sit usus, quam ut materia purulenta intus conclusa per foramen effluat: ego siquidem observavi, quod si a filamentis incaute applicatis, aut gossypio, vel frustulo aliquo ossis pus coerceatur, membranæ, sæpissime & cerebrum corrumpantur, ut dixi; quam solam ob causam perforationem præscripsit Hippocrates, quo exitus materiæ purulentæ pateat; ut proinde absentibus symptomatibus non sit in usum revocanda, cum nudata membrana periculi plena sit; quia ex Hippocrate ab ambiente facile læditur; contra vero, symptomatibus apparentibus, statim perforandum totum os, cum id superstes non possit separari, nisi spatio viginti, aut quadraginta dierum plurimum, pure interim suppresso patientem interficiente; qua ratione adducor ut censeam, hæc non esse verba divini Hippocratis, ac propterea codicem corruptum; quæ Foessii, diligentissimi ipsius interpretis, quinetiam est sententia.

Hæc sunt a me observata in vulneribus capitis; quibus succedunt quædam observationes eorum, quæ non ratione vulneris, sed ab aliqua alia causa contingunt.

E

OBSER-

OBSERVATIO XVI.

Cutis capitis, urfi unguibus, cum pericranio ad futuram usque lambdoidem discerpta, sanata, succrescente in ejus vicem alio tegmine illi analogo, cum capillis. Cortesius refellitur de perforatione cranii in futuris.

CUIDAM puero septem annorum ex pædotrophio orphanorum Patavino ab unguibus urfi tota capitis cutis, cum pericranio ad futuram usque lambdoidem, discerpta & dilaniata fuit; quem curavi primo medicamentis digerentibus vulnere admotis, ossi vero nudato, filamentis aridis, quibus quindecim dierum spatio ex ipsis futuris, caro rubra repullulascere cœpit, & totum cranium velavit; epuloticis deinde cutis, aut illi quid analogum productum est, necnon trium mensium spatio, pili quoque, quod mirum, fruticarunt toto fere cicatricis ductu: quædam enim spatia iisdem vacua relicta, propter callum ejusdem partis. Fallitur proinde Cortesius, vir alioquin doctissimus, qui tractatu de vulneribus capitis, textu vigesimo, mordicùs tuetur, pericranium nequaquam ortum ducere a dura menynge; cum ipse in theatro anatomico publice sæpius demonstraverim, idem esse duræ matri continuum: quinimo idem auctor hanc profitetur sententiam, perforationem nempe cranii supra ipsas futuras, absque vitæ periculo fieri posse, contra Hippocratis mentem, qui deceptum se fateri non veretur, cum rimam, vel teli sedem per-

perforasset futuræ loco, mortuo ægro, ut in historia Autonomi in Omilo, & Famulæ itidem in Omilo, ex capitis vulnere in futuris, mortuorum, patet; *lib. 5. Epidemiorum*, ut propterea non sit omnino perforatio molienda supra futuras; quod ego longo artis usu observavi, quosdam scilicet, ab imperitis chirurgis, supra futuras perforato cranio septima mortuos esse: quinimo si vulnus fuerit inflictum supra futuras, cum levi earundem labe, lethale plerumque est; quodque gravius, vidi etiam in laborantibus gummate Gallico, supra futuras, corrosis, a venefica qualitate, pericranio & cranio, atque destillantibus ichoribus in eo genitis supra duram menyn gem, subortam convulsionem, & mortem. Ab hac ergo perforatione, non solum supra futuras cavendum, sed etiam juxta ipsas, utpote perniciofa & lethali, quod monuisse volui non solum propter Cortesium, magni alioquin nominis virum, sed ut bono publico consulam.

OBSERVATIO XVII.

Vulnus frontis amplum, ad oculos usque pervadens; cum cæcitate derepente suborta, sanatum.

MILES quidam Germanus, vulneratus sica gravi & latissima, in parte frontis, secto ejusdem ossæ, & cerebro fere usque ad oculos, derepente cæcus factus est; vel fortasse ex sectione opticorum nervorum, quod tamen ob vulnus altius descendens mihi specillo explorare non licuit; vel, quod verisimilius, ex vehementi illa concussi-

one, repletis nervis materia pituitosa, quæ plerumque guttam ferenam, Gr. Amaurosin, inducere solet. Hic autem patiens medicamentis ex methodi lege præscriptis toti corpori, & parti affectæ dactis, duorum mensium spatio convaluit ex vulnere, cæcitate tamen superstite, quanquam pupilla lucidissima appareret, ut in hujusmodi morbo contingit.

OBSERVATIO XVIII.

Dolor capitis sævissimus ex lue Venerea sive gummate, in septuagenario, repetita terebratione ejusdem, sæpius sedatus, & recurrens per longa intervalla, cum gravibus quandoque symptomatibus; tandem eodem præsidio omnino sanatus.

LÆDITUR quinetiam caput a multis aliis affectionibus, potissimum vero a gummatibus Gallicis, vel dolore intensissimo ipsius; ut propterea meminerim me vidisse futorem septuagenarium laborasse dolore atrocissimo capitis ex lue Venerea sive gummate, cujus causa, habita consultatione multorum medicorum, unanimes statuerunt, periculum faciendum fonticuli supra futuram coronalem, cujus ope aliquo temporis spatio liberatus a dolore: tribus, aut quatuor post annis in eundem, incidit, cum stupore, & mentis alienatione; quæ tamen symptomata solebant recurrere per intervalla, dolore in parte anteriore ipsius bregmatis, prope frontem potissimum, eum divexante.

Quam

Quamobrem secui primò cruciatim cutim, & inveni os totum corruptum; quo propterea terebrato, effluxit maxima copia puris, unde aliquot post dies fuit liberatus æger a prædictis symptomatibus; habuit tamen foramen patefactum multos menses, cum os esset corruptum, nec proinde caro ex meditullio posset succrescere, atque ipsum obstruere. Tandem anno post circiter, dolor sævissimus cœpit denuo ipsum divexare; cujus causa non longe a prima perforatione aliam molitus sum, qua os nonnihil moveri sensi, atque, multa denuo materia purulenta expurgata, ab eo fuit liberatus; post duos vero, aut tres menses, idem prolapsus est in somnum profundum, Lethargi instar, ad quem proinde vocatus, dum specillo ipsum os explorarem, atque vacillare perciperem, illud eduxi ad magnitudinem scutati argentei, omnino cariosum, & ita corruptum, velut si decem annos sub terra sepultum fuisset; sub ipso autem cranio membrana non apparuit, sed caro aliqua duriuscula, rubra, & lævis, ut de ipsius vita metuerem, nudatis multa dura matre, & cerebro; expergefacto tamen a somno illo profundo, sequenti nempe die, cum effluxu multæ materiæ purulentæ, apposui supra membranam illam, tectam carnosam quadam substantia a natura producta, ad ipsius cerebri tutelam, pannum fericum rubrum, absque ullo medicamento, quod omnino neque pus, neque alia materia supra illam carnem appareret, superinjecto postmodum cerato Barbaro; quorum usu æger decem, & plures annos super-

stes

stes fuit, hoc ordine servato, sine ullo capitis dolore.

OBSERVATIO XIX.

Dolor immanis capitis ex lue venerea, decocto sudorifico quadraginta dies exhibito, neque aliis validioribus præfidiis cedens, terebratione capitis sedatus, atque omnino sanatus.

VILlico cuidam ex familia Martinorum, dolore immani capitis correpto ex lue venerea, exhibui decoctum quadraginta dies, cum sudore, nullo tamen, ab his remediis opportunis & validis, juvamento; ut propterea consultatione habita cum præclarissimo Joanne Dominico Sala, unanimes decreverimus eundem terebrare, ubi gravior dolor, altera scilicet parte. Facta itaque terebratione, tribus aut quatuor post diebus, cœpit dolor mitescere, qui progressu viginti dierum fuit omnino sanatus, superstite adhucdum, & incolumi ægro.

OBSERVATIO XX.

Hemicrania gravissima in muliere, terebratione capitis sanata, eo temporis spatio, quo patuit foramen; quæ recurrens, eodem obstrueto, nullis postmodum remediis ex methodi lege præscriptis, expurgari potuit.

HEBRÆAM etiam quandam, laborantem Hemicrania sævissima terebravi, quæ convalevit, dum foramen patefactum fuit, quo paucos post

post dies omnino obstructo, in eundem delapsa est affectum; cujus causa, multis licet antea, & post quinetiam, a præclarissimo Jo. Dominico Sala remediis ex methodi lege adhibitis, nunquam tamen patiens convalescere potuit.

De morbis Oculorum, Aurium, Nasi, &c.

OBSERVATIO XXI.

Meliceris anguli majoris oculi, ad pupillam protensa, multis remediis frustra, curata magna arte cum folliculo secta, & extirpata, illæso oculo.

JUXTA præscriptum ordinem, superest ut ad oculos, aures, & alias partes obvias circa oculos, progrediamur. Curavi itaque quendam canonicum Polonum, laborantem meliceride, magnitudinis jujubæ, quæ a caruncula anguli majoris oculi ad totam pupillam porrigebatur. A multis, tentata curatio, medicamentis, decoctis scilicet, collyriis, & aliis hujusmodi; omnia tamen octo mensium spatio incassum adhibita; cum vero me consulisset, ipsum tumorem evellendum censui; quod cum reformidaret, spe tamen salutis operationem admisit; quam statim molitus sum, corpore prius expurgato accuratissime ab aliis medicis. Paravi itaque hamulum, quo ipsam meliceridem perforavi, & manu apprehendi, altera vero forcipe eandem cum folliculo sectione separavi, tum a caruncula, tum a tunica adnata, & ipsa pupilla; atque ita totum tumorem eduxi, sine ulla offensa
 ipsius

ipfius oculi ; a quibus, ftatim applicui goffypium imbutum aqua rofacea, cum ovi albumine agitata, & portiuncula croci, patiente tres dies hoc modo fascia vincto ; adhibito postmodum collyrio ex aqua rofarum, & pulvere tuthiæ præparatæ ; quibus fpatio octo dierum omnino convaluit æger ; increpante licet meam præceptore meo Fab. ab Aquapendente audaciam, cum tamen brevi fpatio temporis id præftiterim, quod alii medici non potuerunt perficere ; idque præfentibus, præclariffimo Joanne Dominico Sala, cum multis ftudiofis.

OBSERVATIO XXII.

Fiftula lacrymalis in puella, fanata fectione, cauftico, aliisque præfidiis, ex artis lege. Accedit, contra multorum fententiam, vera & tuta fiftulas lacrymales curandi methodus.

QUAMVIS omnes medicinæ & chirurgiæ fcriptores, variam præfcribant curationem fiftularum lacrymalium, ego tamen quædam a me obfervata proponam, licet ab aliorum methodo non aliena. Sanavi itaque puellam feptem annorum, Curti mercatoris filiam, ab incunabulis fiftula lacrymali laborantem, cujus a multis fruftra tentata erat curatio, hac ratione ; fecui fiftulam ipfam, & quia puella non ferebat diutius hanc operationem, osque erat corruptum, quod fimplici propterea fectione abradi non poterat, coactus fui illi adhibere caufticum, mixtum cum unguento ex Betonica, & paulatim fiftulam dilatare ; quo
totum

totum os corruptum eradi posset, quo sublato, applicui supra os superstes filamenta arida, quousque caro laudabilis ab ipso excrevit: præmissa tamen digestionem medicamentis propriis; postmodum supra labia vulneris unguentum ex tuthia, sarcotici loco, propter continuum Ichoris fluxum ad angulum oculi; tandem induxi cicatricem cerato ex Diachalcitide, filamentis tenuissimis aridis: qua methodo multos curavi; quanquam occalescente sinu, libentius inustionibus ferramento candente utar, si ægri admittant; utpote quæ cal- lum non modo atterant, partemque ipsam corroborent, sed etiam citius separent os corruptum, quicquid sentiant aliqui, perforandum scilicet os, quo materia illa purulenta per nares effluat, & cicatrix exterius obducatur; qui tamen frustra sunt, quia os perforatum inurendum, ex illorum sententia, quo foramen melius pateat, præbeaturque exitus puri; at quando os est corruptum, omnino removendum, cum alioquin fistula non possit sanari, neque ad cicatricem deduci exterius; atque ita hæc curatio futura sit palliativa, & intuta; præterquam quod hujus perforationis non alius sit usus, quam ut os perforatum & inustum, citius abscedat, cujus loco natura carnem prius aliquam generat, quæ progressu temporis evadit callosa & dura instar ossis, qui curationis finis; quia cutis cum carne subiecta, quæ ab ipso osse excrescit, cum ipsa coalescit, atque ita fistula sanatur; non vero foramine superstite, ex quo continuo emanat materia purulenta, cui antea patebat exitus ex angulo oculorum per foramina, puncta lacrymalia

dicta ; progressu siquidem viginti, aut triginta dierum circiter, os inustum & perforatum abscedit, unde foramen obstruitur a carne, ut dictum est, ex ipso pullulante. Graviter proinde errant, qui existimant, perforationem hoc commodum præstare, ut materia per nares effluat, licet hujus ope os perforatum citius abscedat ; observandum tamen, non esse perforandum os, nisi præsentem maximam ipsius corruptionem, quæ perveniat usque ad cavitationem internam ipsius nasi ; sola siquidem ejus superficie corrupta aut alterata, sat fuerit partem læsam scalpro abrasorio abradere, dum pars cutis coalescat ossi ; quod tamen, fieri non potest, nisi sanum fuerit, & incolume ; ejusdem autem corrupti, & scalpro excisi hoc vobis fuerit indicium, cum spatium decem, aut ad summum, duodecim horarum, caro illi accreverit, quod nonnisi facta abrasione contingit, coalescente fistula. Quod si post abrasionem nulla caro subcreverit, os corruptum adhuc subesse pronuntiandum, quod proinde denuo abradendum, quousque hæc signa omnino non appareant. Qua ratione feliciter semper, & tuto sanavi fistulas lacrymales, non solum puerorum, sed etiam adultorum ; qui cum plures sint, eorum nomina referre supersedeo, quæ in memoriam revocare difficile est.

Quia vero non omnes fistulæ lacrymales sunt cum corruptione ossis, ideo istæ duobus modis possunt curari ; vel incisione sola, & attritione calli, cum generatione carnis ; vel secundo, absente callo, per compressionem ipsius partis, instrumento ab Aquapendente descripto, aut aliquo alio simili :

li: quæ, quia a plerisque pertractantur, supervacaneum cenſeo repetere, cum mihi ſit animus, proprias tantummodo in medium adducere obſervationes, iis prætermiſſis, quæ paſſim ab omnibus proponuntur.

OBSERVATIO XXIII.

Vulnus anguli majoris oculi, inflitum manubrio flabelli, ſanatum, cujus, ſuborto tribus poſt menſibus tumore, ex palato portio fracta educata fuit.

MEMINI me curaffe mendicum quendam, qui cum importune eleemoſynam peteret, æſtate, a nobili quodam Patavino, manubrio ventilabri fuit vulneratus in angulo majori oculi, tantoque impetu, ut portio ejusdem, tres digitos longi, fracta in illo hæſerit, non conſpicua exterius, præter ſola ejusdem fruſtula extra angulum prominentia, cum altera illius pars orbitam oculi fregiſſet, & ad palatum deſcendiſſet. Hunc autem cum in Noſodochio menſem integrum curarem, eduxi primo fruſtula illa, quæ in angulo ipſius oculi ſolummodo hæſiſſe exiſtimabam, unde collyriis prius arcentibus inflammationem, deinde exſiccantibus, cicatrice exterius inducta, diſceſſit veluti ſanus; qui tamen tribus poſt menſibus circiter acceſſit me, tumore ſatis magno in palato laborans, quem dum ſecarem, cultro impegi in flabelli manubriolum, quod voſſella extraxi, impoſitis poſtmodum filamentis, primo imbutis ovi albumine, poſtero vero die, globulis intinctis melle roſaceo,

aliquot dies. Tandem melle rosaceo, & aqua hordei, quorum usu omnino convaluit.

O B S E R V A T I O XXIV.

Atheroma inferioris palpebræ, interna parte, prope angulum majorem oculi, ab ortu genitum, avellanæ mole, in puella quinque mensium; sectione extirpatum, & sanatum.

PUELLAM quinque mensium curavi, cui ab ortu genitum fuit tuberculum ciceris magnitudine, parte interna palpebræ inferioris, prope angulum majorem oculi, quod spatio quinque mensium avellanæ molem æquavit, ex genere tumorum, quos *nattas* vulgo vocant; totus siquidem carneus erat, tenui folliculo involutus: quem propterea secui radicitus forfice, cum effluxu sanguinis ad unciam circiter, qui fuit suppressus bolo armena, sanguine draconis, ovi que albumine, cum filamentis tenuissimis; cui postmodum applicui aquam rosaceam cum ovi albo conquassatam, & bolo armena in pollinem redacta; quibus spatio octo dierum fuit sanata ægra, in hunc usque diem incolumis.

O B S E R V A T I O XXV.

Tumor carneus palpebræ inferioris, prope angulum externum oculi, sectione feliciter sanatus.

SIMILI fere morbo laborabat quidem pater ex Franciscanorum reformatorum cœtu, qui variis in locis curatus in cassum, Neapoli nempe, Romæ,

Romæ, Florentiæ, & Genuæ, tandem meæ curæ se commisit, qui tumorem vidi carneum in palpebra inferiori, prope angulum externum oculi obortum, instar acini uvæ. Præmissis itaque universalibus, humores noxios evacuantibus, forfice totum tumorem fecui, applicato statim ovi albumine, cum aqua rosacea: necnon post aliquot dies adhibita portiuncula viridis æris, erodendis quibusdam frustulis radicum ipsius tumoris, in parte superstitibus; demum pulveribus exsiccantibus cicatrice inducta, perfecte sanatus æger spatio viginti dierum.

OBSERVATIO XXVI.

Contusio nasi gravis cum fractura, & comminutione ossium ejusdem, felici successu sanata.

PERCUSSUS fuit mercator quidam Patavinus gravi ligno supra regionem osseam nasi, a quo vulnere non solum ex altero oculo statim humores effluxerunt, cum visionis abolitione, sed & sensuum, & motus, horæ dimidiæ spatio; quini-
mo os nasi comminutum fuit instar granorum milii. Vocatus, recepto motu & sensu, statim imposui lignum accommodatum nasi meatibus, digitisque fracturam composui, & formam naturalem ipsi reddidi, postmodum ligno educto, turundam ex linteo, ovi albumine, & bolo armena imbuto, indidi, applicito exterius albumine ovi cum aqua rosarum, & portiuncula olei rosacei conquassato, ac supra oculum pulpis pomorum sub prunis co-
ctorum,

etorum, cum cassia noviter extracta simul mistis. Interim omnia administrata inhibendæ fluxioni, sanguinis sc. missio, ac medicamenta lenientia, alterantia, & purgantia, ex lege exhibita, prout in aliis vulneribus, & contusionibus fieri consuetum: postero die parti affectæ, turundarum vice, immisi pennam anserinam, obvolutam tela tenuissima, imbuta medicamento jam dicto, atque parti externæ applicui prædictum medicamentum, eodem ordine servato, usque ad decimam quartam, inflammatione & tumore ex contusione cessantibus: postmodum cum partes etiam internæ nasi læsæ essent, quo cicatrix callosa illis induceretur, imposui cannulam plumbeam illitam unguento ex tuthia, atque inspersam pulveribus ex cornu cervi usto, terra sigillata, ac rosis rubris, quibus cicatrix inducta in iisdem nasi meatibus: partibus vero externis applicui ceratum Diachalciteos, mistum cum pulveribus boli armenæ orientalis: quorum usu spatio quadraginta dierum æger omnino fuit sanatus, eadem naturali, & concinna forma nasi illi restituta. Tandem oculo, cessante inflammatione, aquam rosaceam, cum pulvere tuthiæ præparatæ adhibui, ipsumque sanavi, non citra tamen visus abolitionem, ægro adhucdum in vivis agente.

OBSERVATIO XXVII.

Obstructio utriusque naris, altera quidem integra, a polypo spurio, carne scilicet callosa ulceri ex contusione externa accrescente; alia vero imperfecta, feliciter sanata.

CURAVI nobilem Germanum in ædibus præclarissimi Joannis Rhodii, laborantem obstructione integra alterius meatuum nasi, adeo ut altero quinetiam medio obstructo ægre duceret spiritum. Hæc autem obstructio causam habuit contusionem insignem nasi, dum puer esset, prout in hujusmodi casibus observavi, læsis scilicet externis partibus, lædi quinetiam plurimum internas; in quibus propterea ulcus progressu temporis suboritur, ex quo caro succrescit, quæ longo annorum spatio indurescit, & aliquando polypus spurius evadit, educendus postea, modo ab Aquapendente proposito, qui quandoque in osseam fere duritiem occallescit; prout contigit nobili huic Germano, illa parte potissimum, quæ omnino obstructa erat. Facta itaque totius corporis purgatione, deveni ad Chirurgicam operationem, præsentibus multis Germanis studiosis, & ipsum callum durissimum, ac partem obstructam per canulam, ferramento acuto ignito, spatio viginti dierum perforavi, ut commodius respiraret, idque multis diebus, cum patiens non posset ferre continuam inustionem: peracta operatione, apposui globulum ex filamentis aridis, inductis post inustionem,

onem, butyro, illito quotidie naso oleo, vel unguento rosato, arcendæ inflammationi; quamvis operatio valde molesta esset, quod cum caro illa callosa admodum superficie tenuis, & dura esset, hac attrita, ab inustionibus nobilis patiens sævos pateretur dolores. Facta itaque perforatione, ut dictum est, & dolore sublato medicamentis anodynis, imposui turundam imbutam unguento ex tuthia, quo sensim induxi cicatricem, quæ ut firmior evaderet, inspersi turundæ pulveres ex bolo armena orientali, & cornu cervi usto, cum portiuncula thuris; quibus adeo cicatrix occalluit, ut nunquam pars amplius coaluerit, patente naturali meatu. Sanata vero obstructione alterius meatus nasi, deveni ad aliam partem, non omnino obstructam, per quam nonnihil spiritus ducebat æger; ut propterea eodem tempore utrumque meatum curare abstinuerim, quo commodius respiraret. Hanc vero partem citius sanavi, utpote non admodum callosam, duabus scilicet, vel tribus inustionibus, per cannulam ampliato meatu ad figuram naturalem, omnibus alioquin peractis ut in prima curatione; quibus quinquaginta dierum spatio æger omnino fuit liberatus.

OBSERVATIO XXVIII.

Caro totum meatum auditorium ad tympanum usque obstruens, ac durior, ab ortu, in adolescente 14. annorum, purulenta & fætida serositate manans, sanata, auditu abolito restituto.

ADOLESCENS quatuordecim annorum, Len- denariensis me convenit, qui ab utero matris laborabat obstructione alterius auris, a carne quadam densa, nonnihil tamen circumcirca erosa, quæ assidue ichorem purulentum cum fœtore effundebat, totumque meatum auditorium obstruebat, usque ad membranam tympani. Facta expiatione totius corporis, deveni ad operationem Chirurgicam, parato instrumento instar volsellæ, intus cavo, prout Aquapendens ad polypos extrahendos effinxit; quo ferramento sæpius in aurem immisso, sensim ac sensim fere totam carnem luxuriantem eduxi; atque alio postmodum candente, per cannulam insinuato, particulas carnis superstites inussi, adhibitis medicamentis crustas removens; tum exsiccantibus induxi cicatricem, sanitateque ægrum restitui, auditu incolumi, qui antea abolitus fuerat.

De Morbis oris, linguæ, & faucium.

OBSERVATIO XXIX.

Cancer exulceratus labri inferioris maxillæ, in senē octoginta quatuor annorum, sectione sanatus; tribus post annis in faucibus sobolescens, cum morte ægri. Accedit cancri exulcerati historia, in muliere septuagenaria, solo usu unguenti ex cerusa, sanati.

SENEM Salodiensem, octoginta quatuor annorum, laborantem cancro exulcerato in labro inferiori oris, magnitudine mediæ ovi gallinacæ, curavi; quem licet præmonuissē, morbum fore insanabilem, admisit tamen, imo rogavit, ut ipsum secarem. Præmissa itaque totius corporis purgatione, hunc novacula incidente radicitus resecai, sanguine cum impetu erumpente, quem, ad decem circiter uncias data opera effusum, absque ulla postmodum inustione, verum gossypio tantummodo usto, pulveribusque adstringentibus, firmavi. Digerentibus vero prius medicamentis aliquot dies usus, ex ipso vulnere optimum pus emanavit, indicio, totam substantiam cancri esse sublatam; atque unguento postmodum ex cerusa camphorato ducto in plumbeo mortario, spatio viginti dierum cicatricem induxi, incolumi ægro tres annos, absque ulla molestia; a quibus novus cancer subortus in faucibus, ex quo brevi spatio temporis obiit, præter omnem meam opinionem, qui existimabam ex ætate humorem melancholicum
adustum

adustum iterum succrescere non posse, novi canceri in alio loco causam; prout fere semper contingere solet; omnium autorum sententia, quod scilicet cancer in aliqua parte avulsus, in altera progressu temporis suboriatur; firmabatque meam opinionem, quod in praxi viderim mulierem septuaginta annorum, famulam Collegii D. Catharinæ, cancro exulcerato nasi laborantem, cui præscripsi idem unguentum ex cerusa; potius ad dolorem sedandum, quam curationis causa; quæ tamen præter spem, mensis spatio, nullo alio remedio adhibito, fuit perfectissime sanata, vixitque multos annos eadem firma valetudine; quod censui contigisse, ratione ætatis, prout in sene illo futurum rationi consentaneum erat. Et quamvis hæc curatio non solum a me sit in usum revocata, sed a plerisque, ut dixi, autoribus; quia tamen raro contingit, cancos exulceratos omnino sanari, nec amplius sobolescere, ut in foemina illa, ideo hanc observationem aliis adscribendam censui; quamvis in sene illo cancer in faucibus triennio post repullularit, quod forte non contigisset, si quolibet sexto mense remedia adhibita fuissent, humorem melancholicum spectantia, eundemque expurgantia.

OBSERVATIO XXX.

Cancer exulceratus labii inferioris, ovi palumbi mole, sectione perfecte sanatus.

ALium quoque quadraginta annorum circiter in Nosocomio sancti Francisci Patavii, laborantem cancro exulcerato labii inferioris, magnitudine ovi palumbi, eodem modo quo superius, sanavi; a principio tamen præscripta, vere & autumno, purgatione humoris melancholici, atque ejusdem alteratione refrigerantibus, & humectantibus; quanquam idem quatuor post annos in eodem Nosodochio ex febre maligna obierit, cancro tamen in nulla alia parte corporis suborto; ut propterea aliquando non sit omnino abjicienda spes sanationis istorum morborum: dicti siquidem patientes medicorum præceptis si obtemperassent, forsitan non obiissent.

OBSERVATIO XXXI.

Tumor meliceris, a parte sub lingua, ubi raninæ, sensim per partem dextram colli, juxta jugulares venas, & carotides arterias, ad fauces exporrectus, respirationem intercipiens, sectione perfecte sanatus.

LINGUA pluribus morbis tentatur, soluta scilicet continuitate, ac variis tumoribus, in quibus quendam curavi observatione dignum, meliceridis nomine, in reverendo patre Theatino,
Hic-

Hieronymo Capite Bovis Mutinensi, cui sub lingua, ubi venæ raninæ, & tumores ranulæ dicti succrescunt, obortus fuit tumor, de genere quidem ranularum, non legitimus tamen, qui ex continuo affluxu materiæ, paulatim crevit ad magnitudinem ovi, sensim exporrectus per latus dextrum colli, juxta jugulares venas, & carotides arterias, ad fauces usque infra tonsillas, & œsophagum, qui asperam arteriam adeo graviter comprimebat mole sua, ut ni chirurgus quolibet mense, eo patefacto, materiam contentam eduxisset, periclitaretur æger intercepta respiratione & impedita deglutitione, ad vitam plane necessariis. Multi vero tentarunt curationem sectione sola ipsius tumoris, cum patientis quidem aliquo levamine, non perfecta tamen valetudine: cum mense post circiter tumor in eandem magnitudinem excreverit, cujus causa reverendus æger, metu suffocationis Patavium venit, & meæ curæ se commisit; cui præscripto primum omni revulsionum genere, per totius corporis purgationem, & sanguinis missionem, statim deveni ad partem affectam, tumoremque cultro longa satis sectione, in inferiori parte patefeci, multis venarum ramulis data opera disruptis, a ranulis diffusis, quo folliculus contabesceret, intercepto nutrimento; in quem postmodum immisi crassam & longam turundam, imbutam ovi albumine conquassato, ad tumoris usque fundum; sequenti die, alia facta sectione, & quidem ampla in collo exterius, parte, qua desinebat tumor, illæsis interim vasis majoribus, turundam pariter indidi vulneri æqualem, intinctam ovi albumine,

super-

superaddito gossypio usto, cum pulveribus ex sanguine draconis, & bolo armena, sanguini copiose fatis fluenti sistendo. Sexto vero post die, nullo amplius periculo inflammationis imminente, intra os, & exterius in collo totum folliculum ferramento candente inussi; atque removendæ, ac detergendæ escharæ in parte externa digestivo usus sum ex terebinthina & butyro lotis aqua rosacea, vitello ovi, & oleo sambucino; parte vero interna, globulis melle rosaceo imbutis. Laudabili vero pure apparente turundas inunxi unguento ex Be-tonica, iisdem in dies decurtatis; interius vero applicui filamenta inspersa pulveribus ex tuthia, cornu cervi usto, & terra sigillata; quibus spatio quadraginta dierum æger omnino sanatus est, nunquam amplius recurren-te morbo.

O B S E R V A T I O XXXII.

Lingua ex vulnere sclopeti curatio, partibus subjēctis arēte coalescens, cum impedita locutione, perita sectione separata, ac restituta.

VIR quidam ruri degens, vulneratus sclopeto mandibula inferiori, cum ejusdem fractura, a rustico chirurgo curatus, digna certe medico curatio; cum enim in his vulneribus pus erodat plerumque propinquas partes, patiens non omnino fuit sanatus; quod cum globulus utramque partem mandibulæ inferioris trajecisset, lingua parte inferiori, non ab eodem, sed a pure fuit corrosa; prout & pars inferior ipsi subjēcta, cui eadem
ita

ita annexa erat, ut patiens ne minimum quidem ipsam, non solum exerere, sed nec movere, ac loqui posset. Curatione itaque suscepta, ut linguam ad naturalem statum reducerem, novaculæ acie paulatim sejunxi ab invicem partes ipsas conjunctas, sectione sensim quindecim dies continuata, qua ægro loquela integra restituta est, imposito tantum sub lingua, a sectione, linteolo imbuto ovi albumine cum pulveribus boli armeni orientalis, necnon usu aquæ hordei quotidie cum syrupo diamorron, ratione doloris & inflammationis; quandoque vero lactis, dolore urgente; quibus ægrum sanavi.

OBSERVATIO XXXIII.

Tumor carneus, & schirrosus ad raninas, cum impedita locutione, & motu linguæ, sectione & inustione solerti sanatus.

ALium nobilem Veronensem sanavi, laborantem tumore sub lingua, ubi raninarum ortus, magnitudine avellanæ majoris, duro, sed carneo, qui impediēbat locutionem, & motum ipsius linguæ; nulla cavitate, neque alia materia inclusa, quam carnea, qua constabat: verbo, tumor fuit potius schirrosus, quam alterius generis; doloris quippe expers, præterquam, remediis adhibitis. Facta itaque totius corporis expurgatione, descendi ad operationem, qui cum nec manubriolo, nec novacula, propter tumoris duritiem possem ipsum abscindere, paravi instrumenta illi secundo,

cando & inurendo accommodata, quibus mensis spatio eundem radicitus extirpavi, apposis solis pulveribus adstringentibus cum ovi albumine, prout in casu superius proposito; sedato dolore, ac prohibita inflammatione ab inuisione, & sectione anodynis & medicamentis propriis; quorum usu omnino æger convaluit spatio duorum mensium.

OBSERVATIO XXXIV.

Tumor gingivæ, sub quo, non solum dens, sed & ejusdem alveolus, cum parte mandibulæ inferioris, usque ad os jugale, corrupta, ubi subortus novus tumor, qui sectus, patefecit labem, qua abrasione ex inuisionibus superata, æger sanitati fuit restitutus.

TUMORES quidam in gingivis aliquando oriuntur, parulides a Græcis vocati, ex sanguine, qui ante suppurationem dolores graves inferunt, atque suppurati, nisi disrumpantur, alveolos dentium corrumpunt, unde plurimum fistulæ, quæ absumunt partem non solum alveolorum, sed mandibulæ quinetiam; prout superiori anno præ manibus habui Monachum quendam juvenem Divæ Justinæ, cui obortus tumor in gingiva, sub qua dens non solum corruptus fuit, sed & alveolus, cum parte mandibulæ inferioris, insigni adeo labe, ut pertingeret ad os usque jugale, ubi subortus fuit tumor insignis, qui a me sectus maximam copiam puris effudit; quem cum aliquot post dies specillo explorarem, inveni ossa prædicta omnino corrupta, erumpente per foramen eodem pure

re ex cohibito in ore spiritu. Curationem itaque molitus sum scalpris prius abraforiis; verum quia os erat corruptum usque ad alveolos inferiores dentium, pluribus propterea inustionibus inurendum fuit, foramine patefacto usque ad separationem ipsius, quo educto, ad cicatricem locum deduxi. Quæ monuisse volui, ne suppurationem horum tumorum expectetis, a qua facillime corrumpuntur hæc ossa, & oriuntur fistulæ insignes, ægreque sanabiles; ut propterea apparentibus his tumoribus in gingivis, ante suppurationem statim sint secandi scalpello, & quidem longa sectione, quo sanguis confluxus ad ipsam gingivam evacuetur. Qua ratione prohibebitis omnes prædictas affectiones; quod tum propria experientia, tum aliena firmatum; facta siquidem sectione, & evacuato concluso sanguine, absque ulla medicamentorum ope, sola saliva natura sectionem sanat, cessante, quarta post horæ parte, dolore.

OBSERVATIO XXXV.

Meliceris colli prope asperam arteriam, & venas jugulares externas, in cujus dissecto folliculo alius ejusdem generis tumor, sed minor, delituit, sua & ipse membranula conclusus.

REVERENDUS Theatinus Genuensis, ex familia Spinolæ, laborabat tumore colli, magnitudine ovi gallinacei, prope asperam arteriam, & venas jugulares. Habita consultatione cum viris præclarissimis, statuimus unanimes, tumorem

H

esse

esse meliceridem, quo tamen dissecto nil aliud effluxit, quam serositas quædam flavescentes; quod vero mirum, separato folliculo a tegumentis communibus, eoque secto, quo melius radicitus educeretur, sub eodem deprehensus alius tumor, suo & ipse folliculo obductus, eadem materia repleto, alio minor, qui sectus tandem serositatem flavam effudit. Hic vero ita excipiebatur a primo folliculo, ut videretur veluti innatare materiæ illi inclusæ, quem cum transversum forfice secarem, ac simul ramulum jugularis externæ ad nutritionem ipsius tumoris exporrectum, quo facilius folliculum extraherem, maximo impetu sanguinis copia erupit, quem tamen facili negotio digito, gossypio usto, & pulveribus adstringentibus suppressi, adeo ut ne ejus quidem guttula amplius efflueret; cum vero folliculi reliquum nec forfice, nec cultro auderem abscindere, & extrahere, propter venas, & arterias subjectas, digestionem prius tentavi digestivo rosaceo; atque inflammationis metu a sectione, applicui oleum rosaceum circumcirca vulnus, & linimentum simplex. Facta digestionem, superstite adhuc aliqua portione folliculi, tenuiori, & subtiliori ejus parti adhibui præcipitatum pulverisatum, crassissimæ vero, portiunculam caustici, atque paulatim sine ulla effusione sanguinis ambos folliculos absumpsi; sarcoticis postmodum cavitate carne inducta, & cicatrice epuloticis obducta longitudine digiti indicis; quibus feliciter fuit sanitati restitutus æger, non sine præmissa totius corporis expiatione, ex methodi lege.

OBSERVATIO XXXVI.

Tumor colli inflammatorius in puero mensem nato, cum læsa deglutitione, quatuor cucurbitulis cum scarificatione scapulis, & infra easdem, adhibitis, sanatus. Aliquot exempla venæ sectionis feliciter administratæ in pueris acuto morbo laborantibus.

PRÆTER alios tumores colli ab omnibus autoribus descriptos, vidi in infantulo mensem nato, nunc Canonico Patavino, inflammatorium, externum ad glandulas bronchiales. Tumor hic progressu duorum dierum ita adauctus fuerat, ut nobilis infans non posset lac deglutire, cum proximo vitæ periculo; cui cum adhibitæ frictiones, & lotiones pedum, leviores forent pro magnitudine morbi, præscripsi statim quatuor cucurbitulas parvas, vulgo *cornetti* dictas, duas scapulis, duas vero infra easdem applicandas, tribus tantum, & quatuor scarificationibus adhibitis, & educto sanguine ad uncias duas; quarum usu tumor paucas post horas imminutus, ac sensim & sensim sublatus, & feliciter sanatus est, lethalis alioquin.

Neque metuendum hoc genus præsidii in tenella adeo ætate, præfente potissimum morbi magnitudine; cum sæpius ego, secta quinetiam vena, sanguinis missionem præscripserim, & quidem primo ex salvatella ejusdem lateris, nobili Patavino ex familia Tergolina, decem annorum, pleuritide gravissima laboranti, qui hoc præsidio sub vesperam sequenti die fuit liberatus, & omnino convaleuit; quod contigit & alteri nobili Patavino ex fa-

milia Ridi, annorum septem, laboranti itidem pleuritide, cum vehementissimo dolore pungitivo; cui educto pariter sanguine ex salvatella, ad sex uncias circiter, cessavit dolor, cum febris remissione; qui, assumpto postmodum syrupo rosaceo, cum manna, quarta integre sanitati fuit restitutus: quo præsidio quinetiam usus sum in aliis pueris angina laborantibus, hac ratione adductus, & propria experientia, quod quampluribus pueris trium, quatuor, vel quinque annorum, vulneratis, aut saxo, aut cultello, vel aliquo alio instrumento, sanguinis libra effluxerit aliquando; atque illi potissimum, cui ex secta arteria musculi temporalis magna vis sanguinis erupit; quem tamen juxta cum aliis sanavi citra ullum in facultate auctrice detrimentum: quinimo ipsorum aliquos novi, adhuc dum superstites, robustos, pingues, & carnosos; ut propterea in morbis cum vitæ discrimine, præsentē indicatione venæ sectionis, hoc præsidium non sit reformidandum.

O B S E R V A T I O XXXVII.

Fistulæ colli anterioris infra laryngem, ex tumore a barbitonsore intempestive sanato. Observanda in curatione vulnerum colli, ne venæ jugulares, & carotides arteriæ lædantur.

MULTAS sanavi fistulas colli, potissimum vero qua laboravit adolescens quatuordecim annorum, in parte ejusdem anteriori, infra laryngem, oborto primum ex contusione tumore, cui a barbitonsore sanato, superstes fuit fistula in-

ter

ter utrumque annulum asperæ arteriæ, cum læsione utriusque cartilaginis, ex qua spiritus efflabatur. Habita itaque prius totius corporis ratione, medicamentis humores peccantes purgantibus, deveni ad topica; & primo quidem quatuor integumenta dilatavi, turunda ex spongia; deinde scalpro abraforio partes ipsas cartilagineas utrinque læsas accurate abradi; tum filamenta arida supra easdem applicui; postmodum unguento Ifidis, quod occalescere cœperat in parte carnosa, attrivi. Tandem globulis ex filamentis, imbutis unguento ex tuthia, cum unguento Ifidis, cavitationem opplevi; atque sensim & sensim imminutis globulis, cerato ex Diachalcitide, cum filamentis aridis cicatrice fistulam obduxi.

Hic autem observandum, quod si vulnera colli punctim inflicta fuerint, nec statim mortem inferant, pro signo hoc habendum sit, venas jugulares, & arterias carotides illæsas esse, ac propterea maxima cautione curanda; quia licet non pervadant totum collum, turunda tamen non est immittenda longa, crassa, sed brevissima, quæ integumenta non excedat, quæ principio imbuenda ovi albumine, superinjecto postmodum linteolo duplicato per totum collum, eodem ovi albo intincto, cum bolo armena, & sanguine draconis: educto deinde sanguine, pro virium tolerantia, atque exhibito medicamento leniente postero die; a quibus, per duos dies non immutanda remedia parti vulneratæ adhibita, cum solum linteolum ex usu sit sæpissime, quotidie prædictis pulveribus cum ovi albumine inductum. Victus sit solum ptisana hordeacea

deacea bis per diem exhibita; potus verò aqua hordei pauca copia; quod si deinceps inflammationis metus ingruat, ex altero brachio sanguis ducendus, iusta quantitate; atque urgente dolore, viribusque permittentibus, affigendæ quinetiam cucurbitulæ scarificatæ: omni quippe ingenio, & arte prohibenda generatio puris, utpote quod venas, & arterias corrodat, cum mortis præfenti periculo; pro ut observavi in quibusdam ab imperitis male curatis, dum intruderent turundas longas admodum, a quibus puris copia congesta, venas, & arterias consumpsit, mortisque causa fuit; ut propterea duobus aut tribus post diebus, removeam turundam illam brevem, applicato deinde linteolo inducto cerato ex cerusa; repetito alio perinde duplicato eodem modo, pulveribus prædictis, cum ovi albumine inducto, quibus, spatio octo, aut ad summum decem dierum, hæc vulnera sanare consuevi; servata tamen semper diæta tenuissima, ne humores ad partem vulneratam confluant, atque in purulentam materiam conversi vasa erodant.

Quod si vulnus trajiciat collum, hac methodo utor, imposita scilicet brevissima turunda utrinque eodem modo, quod superius proposui. Animadvertendum præterea, hæc vulnera nunquam esse tentanda specillo, ne, quod facile contingere potest, disrumpatur vena, aut arteria, cum vitæ proximo periculo. Qua methodo multos sanavi, multosque quinetiam mortuos vidi, diversa ab hac curatos.

De morbis Thoracis.

OBSERVATIO XXXVIII.

Duæ fistulæ sub axilla, variis remediis frustra tentatæ, igne actuali feliciter sanatæ.

QUIDAM laborans duabus Fistulis profundis sub axilla me accessit, variis frustra tentatis remediis; quippe, quæ cum ad subjectas usque costas penetrarent, incisiones proinde non admittebant sine vasorum læsione, ac præsentis vitæ discrimine. Cum autem medici usi fuissent primo corrosivis; postmodum vero compressionibus, ligaturis & hujusmodi præsidiis, incassum tamen; ego, corpore jam expurgato, statim ad operationem me accingens, utramque fistulam ad fundum usque inussi, ferramento candente, absque cannula, repetitis vicibus, donec omnino, & æqualiter toto fistularum sinu callus attereretur; escharæ vero detergendæ, turundis primo longis, & crassis, butyro illitis, postmodum digestivo usus; pure vero apparente laudabili, alias immisi, inductas unguento ex Betonica, quas quotidie breviores paravi, quibus omnino remotis, pulvino ex linteolis sub alis, compressa parte ligatura satis arcta, spatio viginti dierum ægrum sanitati omnino restitui.

OBSER-

OBSERVATIO XXXIX.

Qua ratione curandæ fistulæ thoracis, eum labe ipsius ossis sterni, quod abrasione solum, nonnunquam vero inustione, tentandum.

FISTULAS sæpissime præ manibus habui, ex abscessu, aut vulneribus superstites, quæ aut corruperant, aut aliqua saltem labe affecerant os ipsius sterni, ex abscessu potissimum, ratione redundantis puris; quo casu, amplianda fistula, aut ferramento incidente, si opus fuerit, aut turunda ex spongia; tota postmodum pars ossis corrupti abradenda, dum caro laudabilis, paucis post horis illi accrescat; tunc vero imponendi globuli ex filamentis imbutis unguento ex Betonica, aut Matri-sylva, atque carne inducta, cicatrix, medicamentis exsiccantibus alias propositis, obducenda; quod si caro parvo temporis spatio non succreverit, indicio fuerit, totum corruptum os non esse abrasum, ac proinde operationem repetendam, donec caro optima adnascatur, quo aliis postmodum remediis detur locus. Nunquam vero deveniendum ad inustionem ipsius ossis sterni, quia non abscedit, aliorum more; quæ licet ex toto corrupta non sint, sed aliqua tantum parte, si inurantur, sola illa labefactata abscedit, superstiti alia laudabili; quod non contingit ossi sterni, quod lentum satis, non potest ita facile in squamulas dirimi; quin potius inustione ad internam usque illius partem pervadente, totam partem corruptam abscedere necesse est, non quidem spatio triginta, aut quadraginta

draginta dierum, prout alia ossa, sed trium aliquando annorum: unde consulo, ut nunquam os sterni inuratis; observavi siquidem in multis non abfcessisse, nisi duobus vel tribus annis exactis; ut propterea tutior, & faciliior sit curatio per abraisionem, quam per unctionem; quæ methodus curandi fistulam a vulnere; vulneris autem, quod non penetret in cavitatem, principio statim ad mutuum contactum labia adducenda, & quidem si amplum fuerit, per futuram, si vero angustum, per compressionem, prohibita puris generatione, ne os ipsum corrumpat, aut saltem afficiat: qua ratione in his vulneribus non penetrantibus, sed lædentibus tantum os ipsum sterni, progressu octo vel decem dierum illa ad cicatricem perduxì, solo apposito cerato ex cerusa vel ex Diachalcitide.

OBSERVATIO XL.

Vulnus sclopeti in articulatione humeri cum scapula, sanatum, decem annis incolumi ægro; a quibus orto in eadem parte tumore, totum acromium corruptum volsella eductum.

MERCATOR quidam ex familia Merulorum, vulneratus sclopeto in articulatione capitis humeri cum scapula, sanatus ab excellentissimo Julio Cafferio Placentino, anatomes & chirurgiæ professore magni nominis, decem annos integra usus valetudine, tumore insigni demum laboravit, quo loco cicatrix occalluerat, cum febre, & dolore gravi, quo statim a me secto, maxima copia puris ex eodem effusa est, immissa postea turunda im-

buta ovi albumine, atque superinjecta stupa eodem madefacta; postero vero die metuens ne tumor hic causam haberet aliquam corruptionem ossis, cum specillo id explorarem, deprehendi frustulum ossis mobile, quod vossella eduxi, totum scilicet acromium ipsius scapulæ; digerentibus postmodum medicamentis, prius sarcoticis, demum epuloticis usus, spatio mensis perfectissime ægrum ad sanitatem deduxi.

Non itaque mirum, si in vulneribus sclopetorum, multo temporis spatio ossa læsa abscedunt: hoc siquidem in praxi frequentissimum.

OBSERVATIO XLI.

Vulnerum in Thoracis cavitatem penetrantium, tum eorum quæ, læsis intercostalibus vasis, sanguinem in eandem effundunt, tum quæ iisdem integris, infliguntur, vera curandi methodus.

FREQUENTISSIME observavi, Thoracis vulnera in ejusdem cavitatem penetrantia, sine ulla tamen læsione partium internarum: quæ quidem duplicis generis, alia quæ vasa intercostalia lædunt, ex quibus copiosus manans sanguis in ejusdem cavitatem delabitur; alia vero, quibus vasa illæsa sanguinem in eandem non effundunt. Prioris generis vulnus patens servandum; quam curandi methodum omnes medicinæ scriptores proponunt; si vero nihil sanguinis in cavitatem thoracis effusum fuerit, quod suis patet signis, absentia scilicet symptomatum, ex sanguine in eadem collecto; in quibus sunt febris, tussis plurima, gravitas

gravitas supra diaphragma, & alia hujusmodi, tunc immissa brevissima turunda in orificium ipsius vulneris, imbuta ovi albumine, & superinjecto linteolo eodem madefacto, cum bolo armena, & sanguine draconis, leviter fascia comprimo partem læsam ; atque sequenti die, remota turunda ex toto, appono ceratum ex cerusa ; quibus spatio septem aut octo dierum, patientes sanos præsto. Qua methodo quinetiam vulnera thoracis ejus tantummodo musculos penetrantia, ad sanitatem deduco, spithamam licet ampla.

OBSERVATIO XLII.

Ex vulnere Thoracis inter quartam, & quintam costam, Epilepsia suborta, qua nunquam alias correctus fuerat æger, turunda immissa, recurrens.

CUM duo studiosi inter se digladiarentur, eorum alter ex familia Curtorum, vulneratus thorace, inter quartam & quintam costam, prolapsus est in terram Epilepticus, cum spuma in ore, motibusque convulsivis, a quibus symptomatibus, patiens mortuo similis domum deportatus, pulsibus tamen validis ; quia vero barbitonfor jam obligaverat vulnus, ipsum eodem statu dimisi, quod cum accidisset matutinis horis, sub vesperam denuo accitus, redintegratis sensu & motu, postero die vulnus obligavi, cum facultates principes convalescissent ; quod cum curarem demisso specillo, patiens graviter conqueri cœpit de dolore, cum levi quadam convulsione, Epilepsiæ simili, cujus causa specillum removi, atque a turunda abstinui, a

barbitonfore antea immiffa, appofitis folis filamentis digestivo rofaceo imbutis, ac superaddito cerato ex cerufa, & quidem tertia die; quarta vero, applicato eodem cerato, quibus fpatio novem dierum ex toto fuit fanatus æger; qui, cum nunquam alias Epilepfia laboraffet, ut mihi retulit, ex vulnere folo ea correptus eft, ratione fcilicet nervi intercoftalis læfi, inculpata valetudine etiam nunc Venetiis degens.

O B S E R V A T I O XLIII.

Pus ex vulneribus Thoracis fuperioris in ejufdem cavum effufum, fine fectione quandoque per alvum expurgatum, convalefcantibus illico ægris, quo id citius contingit.

VULNERA penetrantia Thoracis parti fuperiori inflicta, ita ut materia intus collecta non poffit adeo commode expurgari, in empyema degenerant, ex omnium fententia; qua ratione quidam a me perforati fectione inter quintam & fextam coftam, evacuata materia, plerique fanati fuere. Verum obfervatione dignum, fine fectione eandem per alvum expurgari: quam tamen viam fectione anatomica rimari non potui; quod & ab Hippocr. quinetiam obfervatum libro de morbis; ut propterea quidam illam crediderint non effe pus, fed chylofam potius fubftantiam, fruftra propterea applicatis hujus caufa ventriculo remediis. Obfervatum quinetiam a me, quod quotiefcunque citius materia expurgatur fpatio nempe, ad fummum, diei, ftatim patientes convalefcunt, materia

materia ex vulnere non amplius manante, & quod mirum, febre quinetiam cessante, utpote quæ, eadem in cavitate Thoracis hærente, est continua: quinimo hoc signum pathognomonicum censetur, patientes immunes esse a febre, cum nulla in Thorace fanies, quæ vulnus statim occludendum indicat, qua contra sensim exudante, omnes moriuntur; quia mora sua dum permeat, partes internæ exulcerantur, pus augetur, atque ulcera, febrisque quotidie invalescunt, cum præsentis vitæ discrimine. Quod propterea animadvertendum illis est, qui adhibentur his curationibus, ut scil. si pus brevi spatio temporis non evacuetur, ejus educationem quam citissime medicamentis curent; qua ratione exhibeo aut aquam hordei, vel mulsum, quæ paulatim detergent, ac evacuationi aptum reddunt, non sine ope naturæ illud expellentis; quo subsidio non egent robustiores, qui paucis diebus totam materiam purulentam extrudunt, & sanantur, nisi hæc evacuatio diutius protrahatur, quæ illis mortem inferat. Non autem hic propono modum curandi vulnera Thoracis, cum ab aliis satis superque de his actum sit.

OBSERVATIO XLIV.

Empyema ex pleuritide, sectione inter quintam, & sextam costam, felici successu sanatum, frustra adhibitis ex consilio medicorum magni nominis, externis medicamentis.

QUÆ vero observavi in Empyematicis, nunc in medium producenda. Nobilis Patavinus,

nus, ex pleuritide non expurgata, incidit in Empyema, tanta puris copia in cavitate Thoracis conclusa, ut iterum, & tertio per diem incideret in lipothymiam, syncopi proximam; quem propterea cum decrevissem perforare, neque ejus parens hoc admitteret, vocavit medicos hujus civitatis primarios, & potissimum Jo. Veslingium, meum olim in praxi discipulum, præter alios, quorum nomina non refero, quoniam Patavii res est notissima; cum quibus habita consultatione, proposui sectionem inter quintam, & sextam costam, ab omnibus auctoribus laudatam, atque propria experientia sæpissime felici successu administratam, quam cum medicus quidam imprimis improbaret, hujus loco præscripsit cataplasma, apponendum Thoraci, cujus præsidio materia purulenta discuteretur; quem secutus quinetiam Veslingius, quo tamen præsentem sæpissime hanc operationem feliciter peregeram, eam & ipse damnavit, metu scilicet læsionis vasorum intercostalium; quorum opinionem miratus, qui hæc in medium afferre ausi, sequenti die mane Thoracem secui inter quintam & sextam costam, immissa turunda crassa satis, quæ foramen patens servaret, quam sub vesperam eduxi, ac simul tres, & quod excedit, puris libras; a quibus nobilissimus juvenis a lipothymia convaluit; quem postmodum curavi, prout alioqui vulnera Thoracis, educta scilicet quotidie materia purulenta, atque immissa in vulnus paucis post diebus, cannula plumbea, per quam tota sanies penitus exhausta; qua demum educta, ad cicatricem tandem vulnus spatium viginti octo dierum adduxi.

OBSER-

OBSERVATIO XLV.

Ex vulnere in thoracis cavum penetrante inferius, perperam viginti dies obligato, febris, totius corporis macies, cum delirio suborta, a suppresso pure, quo expurgato, omnia remissa, sanato ægro. Ex squalore corpus squamis instar piscium oblitum. Error vulgarium chirurgorum, qui vulnera thoracis non explorata, aquis balsamicis intempestive occludunt, notatur.

ACCIPIT quidam vulnus in Thoracis cavitatem penetrans, parte tamen decliviori, quod cum chirurgi quidam Tarvisini viginti dies obligassent, neque ejus altitudinem deprehendissent, negligentia, an imperitia dubium, maxima proinde copia puris in Thorace congesta, incidit patiens in febrem continuam, cum macie totius corporis, rubore faciei, ac delirio, his potissimum verbis expressis, opus sibi esse duobus fonticulis, quo materia conclusa expurgaretur; quod non omni ratione vacabat, quanquam non distingueret locum delitescentis puris, cum duos brachiis inurendos mandaret. Patavium eodem delato, cum omnia prædicta accuratius expenderem, deveni in cognitionem, cavitatem Thoracis oppletam esse pure; quod experientia patefactum, demisso in vulnus specillo, in quod proinde immissa turunda, postridie eduxi phialam puris plenam, delirio cessante, & febre remissa: quod vero mirum, totum hujus ægri corpus, ratione siccitatis, & squaloris, squamis instar piscium oblitum fuit, voca-
tis

tis ad rei novitatem, clarissimo Dominico Sala, cum multis studiosis, raro casu, nec unquam antehac conspecto; prout & observatione dignum, quod æger macie confectus, atque omnium iudicio brevi moriturus, pure per cannulam plumbeam continuo educto, atque injectionibus ab auctoribus propositis, spatio duorum mensium ex toto convaluerit, multos etiam annos incolumis.

Quæ sæpissime quinetiam accidunt hoc tempore, dum imperiti quidam, aquis suis balsamicis, & balsamis adstringunt partes externas vulneris, relicta postmodum ejusdem cavitate pure oppleta, unde Empyematici moriuntur; qui propterea pro ignaris omnino habendi methodicæ artis, atque Empiricis, & Agyrtis, qui in circulis popello illudunt, dum sexta aliqua corporis parte, balsamicis suis medicamentis, sordibus potius, sequenti die publice vulnus obductum exhibent, cum pauca tantum cutis secta fuerit, quam obligatam, & compressam, non sine naturæ ope agglutinant; quod & mihi experientia compertum, vulnera scilicet externa, angusta potissimum, nullo adhibito medicamento a natura sanata, solo applicito ovi albumine, trium, aut quatuor dierum spatio; cum tamen ignari, & vulgares homines hos Empiricos Deorum loco habeant, hæc vulnera externa videntes occlusa, cunctis ad ipsos confugientibus, qui licet propria ignorantia delusi, ægrorum erroribus potius quicquid fecus acciderit adscribunt, atque ita seipso ab omni crimine tutantur, non sine multorum interitu.

OBSERVATIO XLVI.

Ex vulnere Thoracis, superius, magna puris copia in ejusdem cavo congesta, sectione inter quintam & sextam costam expurgata; nec non per os, & urinam, diei spatio.

CUJUSDAM scribæ filius, ex Agiaciorum familia, vulneratus parte superiori thoracis ad ejus usque cavum, ex quo quum pus ægre expurgaretur, multa copia in eodem congestum, decrevi ipsum secare inter quintam & sextam costam ejusdem lateris, imposita postmodum turunda, ut superius dixi, sequenti die, qua educta, duæ puris libræ effluxerunt. Observatione vero dignum, non solum vulneris orificio pus emanasse, sed & per os quinetiam magna copia, necnon per urinam quoque ad libram unam, & quod excedit, per diem; quæ viæ licet omnibus pateant, non tamen naturæ consuetæ, facta potissimum sectione, quæ materiam copiosam effudit; cum tamen patiens esset juvenis decem & octo annorum, ac robustus, natura propterea has vias communes sibi paravit, ægro spatio mensis omnino sanato, & adhucdum incolumi, ob rationem superius propositam.

Dubium vero nonnullis, qua ratione materia purulenta supra diaphragma hærens, non impediat respirationem, cum tamen hoc Galeno instrumentum sit proprium respirationis; quod scilicet experientia sit ipsis compertum, quendam nobilem Bellunensem fistula laborantem Thoracis, inter

K

sextam

sextam & septimam costam, nulla respirandi difficultate laborasse; cujus morbi causa, consultatione habita cum viris hujus urbis præclarissimis, negantibus multam adesse puris copiam in cavitate Thoracis, nulla potissimum respirationis difficultate illi molesta; illorum tamen opinionem mordicus oppugnavi, materiam scilicet purulentam intus concludi affirmans, cujus ratione immisi turundam crassam satis, & longam circa horas vespertinas, vocatis sequenti mane multis studiosis, qui consultationi interfuerant, quibus præsentibus, cum turundam educerem, erupit ex Thoracis cavo libra, & quod excedit, puris, foetentis adeo, ut adstantes præ odoris gravitate excedere coacti fuerint, quod pus eo confluxerat ex tumore thoracis, quo sex ante mensibus laboraverat ~~p~~atens, superstite postmodum fistula prædicta. Ex quibus patet, quod quotiescunque pulmones pus non contingunt, vel moto quinetiam ipso diaphragmate, tunc respiratio illæsa est. Quod vero aliquis objicere posset, qua ratione scilicet innotescere possit pus in ipsa cavitate conclusum, nulla præsentē respirandi difficultate; respondeo, observandum esse, quod quando adest minima portio puris in Thorace, id non fit sine febre; quod est signum illius pathognomonicum, præter alia ab auctoribus proposita; ut propterea superius admonuerim, vulnera Thoracis non esse ad cicatricem ducenda, nisi patientes immunes ab ipsa fuerint aliquot dies: quinimo advertendum quinetiam, quod quando purulenta materia in cavitate Thoracis supra diaphragma decumbens, non superat pulmonum alas, tunc per
tussim

tussim non expurgatur; quia admittere non possunt, eandem non contingentes. Nobilis vero hic patiens non solum laboravit fistula simplici thoracis, sed & præterea duabus costis corruptis, quas proinde abradere opus fuit, non sine quibusdam aliis remediis: qui tamen cum per negotia hic morari diutius non posset, non integra valetudine discessit, illi tantum præscriptis, brevi eo temporis spatio, injectionibus ex vino mulso, & aquis Thermalibus sulphureis; in quarum usu mirum occurrit, quod statim infusæ tussi excernebantur, ex vino vero injecto, medicamentis potissimum imbuto, illico nulla mora, maximo impetu rejiciebantur majori copia; ut propterea observandum sit, non solum pulmones, raræ utpote substantiæ, sed etiam omnes partes nostri corporis suis poris patere, per quos non solum excrementa communia, sed etiam materiæ saniosæ extruduntur ad communia loca; sicuti contingit in vulneribus thoracis, quibus non solum ex locis omnibus notis materia purulenta fluit, sed etiam per intestina.

OBSERVATIO XLVII.

Ex vulnere Thoracis fistula suborta, quæ spatio aliquot mensium pervadens ad capsulam cordis, hujus substantiam ad fibras usque cavitatis absumpsit.

EX vulnere sterni ad quartam costam sinistra parte, suborta fistula in quodam Veronensi; cum per aliquot menses eadem laborasset, ad ejus curationem me vocavit; cujus corpore primo expurgato, nulla licet spe salutis, ratione maciei, qua confectus erat, necnon febris, & virium imbecilli-

tatis, immiffa turunda, copiofum pus eduxi, a quo aliquot poft diebus fyncope correptus æger vitam cum morte commutavit.

Diffectò cadavere, inveni capfulam, & fere totam cordis fubftantiam ad fibras ufque ab ulcere exefam. Videant igitur, an conftare poffit fententia Aristotelis lib. 3. de partibus animalium cap. quarto, quod cor nullum vitium grave diu patiatur; fiquidem hic patiens diu vixit, quamdiu fcilicet ulcus, & fiftula penetravit ad cavitatem, aut ventriculum finiftrum ipfius cordis.

O B S E R V A T I O XLVIII.

Ex Aneurifmate arteriæ magnæ fub corde, fanguis effufus in pulmonem dexterum, cum fuffocatione patientis.

AD MODUM Reverendus Pater, Francifcus Bettotus, Metaphyfices in hoc Gymnafio publicus profeffor, ætate quinquaginta fex annorum, decem aut duodecim annos pulfationem præternaturalem in finiftra Thoracis parte, ubi cordis præcipue pulfus micat, paffus eft, quæ ab anatomes ignaris cordis palpitatio cenfebatur. Ego vero accitus, conjeci ipfum laborare aneurifmate, ex quo poftmodum multis incaffum tentatis remediis, noctu fuffocatus obiit.

Diffectò cadavere, cavitatem thoracis dexteram fanguine refertam obfervavi, cui copia feri fuffufa erat, pulmonis dextri fubftantia confumpta, & fola ejufdem fuperftite membrana, inftar facculi, qua diffecta, patuit membrana interna arteriæ

riæ magnæ, prius quidem laxata; postmodum vero, cum dilatationi nullus esset locus, disrupta. Aneurisma itaque fuit in arteria magna extra cor, duos solummodo digitos transversos; quo loco sanguis a sinistro ventriculo effusus, valido impulsu prius internam disruptit membranam, externa dilatata, qui, cum nullum aliud pateret spatium, intra pulmonem dextrum sibi viam fecerat, ubi calore, motu, & compressione, substantiam ejusdem consumpserat.

OBSERVATIO XLIX.

Difficultas respirationis, cum dolore hypochondriorum, ex amplo corde firmitus annexo Diaphragmati & Pleuræ.

VENETUS quidam annorum quadraginta, temperamenti calidi, & humidi, crapulæ deditus, de difficultate respirationis, & hypochondriorum angustia conquerebatur, qui multis adhibitis frustra remediis, Patavium cum venisset, postera nocte morte repentina extinctus est.

Hujus aperto cadavere, in hypochondriorum regione nihil quidem præter naturam se prodidit; verum in Thorace cor adeo amplum observavi, ut tria naturalis magnitudinis æquaret, ventriculis itidem amplissimis, cujus capsulæ ubique pressius adhærebat, superiori, ac lateralibus partibus pleuræ etiam annexum; inferiori vero diaphragmati, nec solum membranosæ ejusdem parti, sed ob ejus molem, carnosæ quinetiam. Ex quibus conjicere non præter rationem fuit, præfatam gravem respirati-
onem

onem non aliunde ortum duxisse, quam a pulmonum & diaphragmatis compressione, quæ & causa fuit doloris hypochondriorum, & potissimum distensionis ejusdem.

OBSERVATIO L.

De morbis infimi ventris.

Dolor ventriculi, cum sanguinis vomitu recurrens, in abscessum fundi ejusdem mutatus, frustra curatus, tandem omnino sanatus.

S ANAVI mulierem duos menses ventriculi dolore laborantem primò, postmodum vero sanguinis vomitu, ad libram unam, qui sponte sedatus aliquot dies, nec ullo dolore molestus; quo tandem denuo recurrente, a peritissimis Venetis medicis eadem curata medicamentis per os exhibitis, incassum tamen, Patavium se contulit, cujus ego in Nosocomio D. Francisci curationem ita sum aggressus. Primo sanguis eductus e brachio, tum e pede; atque exhibitum mel rosaceum solutivum; tribus vero, aut quatuor post diebus a medicamento assumpto, cum vomuisset libras duas circiter puris cum sanguine mixti, indicium præbuit abscessus in fundo ventriculi; præter continuam querelam de dolore ipsius partis, nulla licet materia excreta per alvum illi proximam; eidem exhibui postmodum aquam hordei quindecim dies, mixtam cum melle rosato colato; cujus usu vomuit tria frustula tunicæ internæ ipsius ventriculi, longa, & lata quatuor digitos transversos, non sine multorum

multorum admiratione ; necnon aliquot dies postea portiunculam aliquam puris cum sanguine mixti ; quibus abstergendis, exhibui aquam Tetutianam quatuor dies, cum melle rosato solutivo ; postmodum bolos ex saccharo rosato antiquo, pulvere boli armenæ orientalis, & lapide hæmatite, ac dimidia post hora, uncias quinque decoctionis Plantaginis, Polygoni, Balauftiorum, & Hypocistidis ; quibus spatio duorum mensium ægra omnino convaluit, in hunc usque diem incolumis.

OBSERVATIO LI.

Vulnus abdominis penetrans, cum prolapsu omenti, quod sectum, licet non omnino corruptum, nec tamen obligatum, ex magna vi sanguinis in inguen ejusdem partis decumbentis, abscessum in eo excitavit, qui sectus, educto multo pure, remediis accommodatis perfecte sanatus.

SUTOREM vidi abdomine læsum, vulnere penetrante, cum prolapsu omenti, quod cum Barbitonfor secuisset, non omnino alienatum, & gangræna corruptum, neque obligasset, ita ut ipso in sedem suam compulso sanguis ex venulis assidue manaret, qui ad partem inguinis ejusdem lateris illapsus, atque congestus, viginti post dies circiter abscessum magnum excitavit ; quem, vocatus secui, maxima puris copia effluente, atque barbitonfori præcepi, ut continuo turundam immitteret, donec tota materia exhauriretur, eadem paulatim decurtata, tum postmodum omnino educta, ad obductam usque cicatricem, more consue-

to. Observandum vero,¹ ex sententia omnium auctorum, non esse secandum omentum, nisi filo constringatur, quod in vulnere relictum natura præter ullum incommodum extrudit, præcepto barbitonforibus maxime observando.

OBSERVATIO LII.

Tumores jecoris suppurantes, in gibba potissimum ejusdem parte tuto secantur; in cava vero, per urinam expurgandi, exemplo virginis, quæ tumore ejusdem partis laborans, per urinam magna vi puris excreta, eo liberata est.

TUMORES aliquando in jecore suboriuntur, in quibus alii sunt crudi, & nunquam suppurant, alii vero ad suppurationem veniunt; & quia jecur pauci est sensus, nervulis quippe gibba tantum sui parte donatum, non ita facile propterea, nisi progressu temporis horum differentia dignoscitur: tunc enim qui suppurant, gibba potissimum ipsius parte in acumen prominent, & sectionem indicant, nullo vitæ discrimine; prout ego in multis sum expertus, sectis licet integumentis communibus, musculis, & peritoneo; quod si in cava delituerit, per urinam expurgandus, ut observavi in Vestali virgine Divæ Annæ, ex Buzzacarinorum familia, quæ cum maximam copiam puris minxisset, a tumore liberata est, dolore licet jecoris quandoque molesto, cum febre; a quibus tamen sola evacuatione sanguinis ex vena jecoraria dextri cubiti, convaluit; quod non contingit tumori partis gibbæ jecoris, cui secto imponenda

ponenda turunda, imbuta ovi albumine; tum digerentibus utendum, prout in vulnere illius partis; postmodum sarcoticis; tandem epuloticis cicatrix inducenda, evacuata prius tamen tota materia purulenta, turundarum ope, necnon cannulis plumbeis, quibus utpote citius & commodius expurgatur. Qua ratione multos sanavi, quorum aliqui adhucdum incolumes degunt.

OBSERVATIO LIII.

Fistula umbilici ad intestina usque serpens, diu frustra curata, parvo temporis spatio feliciter sanata.

PATREM quendam Theatinum vidi, laborantem fistula Umbilici, ad intestina usque penetrante, de quorum dolore erant querelæ ex demisso statim in eandem specillo; quem hac methodo curavi. Facta scilicet totius corporis expurgatione, inussi totum orificium fistulæ jam callosum, & induratum immissa in illud parva turunda, quo omnis crusta simul cum callo attereretur, & quidem imbuta a principio butyro, postmodum digestivo, quam facta concoctione eduxi, apposis filamentis, illitis unguento ex Betonica, & superdato cerato ex Diachalcitide; atque octo post diebus circiter abstinui a filamentis, solo contentus cerato, quo cicatricem induxi, ægro spatio viginti dierum sanato; qui a medicis Mutinensibus multos menses incassum fuerat curatus.

OBSERVATIO LIV.

Epiplocele cum sarcoccele conjuncta, ex erosione omenti complicati, enata carne in spithamæ longitudinem ex inguine propendente.

QUIDAM Estensis in Patavino Xenodochio habuit prominentiam longam spithamam, instar priapi ex inguine luxuriantem, ubi processus peritonæi, crassam vero duos digitos transversos, adeo ut non inconcinne æmularetur formam alterius membri virilis. Cum vero ab ægro quærerem hujus morbi originem, atque negaret esse intestinum prolapsum, cujus certe nullum aderat signum, ex ejus verbis conjectura affectus sum, esse omentum complicatum, cum prius Bubonoccele laborasset, postmodum abscessu, quo disrupto, prorupit omentum, atque sensim ita convolutum fuit, illique propter erosionem caro quædam inter plicas accreverat in prædictam formam; quem hoc modo curavi. Primo expurgatis humoribus redundantibus, portiunculam dictæ prominentiæ secui, ampliato usque adeo vulnere, ut omentum implicatum se proderet; quod duobus vel tribus post diebus secui ex toto ad inguina usque; tum digerentibus; demum consuetis exsiccantibus cicatricem obduxi, incolumi adhucdum ægro, & omni molestia vacuo.

OBSER-

OBSERVATIO LV.

Bubonocèle, locus bubonis venerei ab imperito barbitonfore secta, prodeuntibus alvi fæcibus, brevi temporis spatio sanata.

VILLICUS quidam Bubonocèle laborans, barbitonforem accersit, qui venereum bubonem cum existimaret, ejus proinde sectionem suadebat; quanquam æger cum nulla alia muliere, uxore propria excepta, rem se habuisse sancte affirmaret, honesta equidem, ac pudica; cum vero tonfor opinionem suam tueretur mordicus, atque omnino sectione opus esse, eam tandem miser villicus admisit, ex qua cum fæces erumperent, statim in lipothymiam prolapsus est, tonfore obstupescente. Ego vero cum casu illac transirem, vocatus, statim digito compuli intestinum in locum proprium, applicato ovi albumine, cum sanguine draconis, atque linteolo quadruplicato compressione facta arctius nonnihil constrinxi quatuor dies, a quibus, cerato demum ad herniam ab Aqua-pendente usus, spatio decem dierum, sectæ partes coaluerunt. Tandem meo consilio totum vitæ tempus gestato cingulo, multos annos incolumis vixit.

OBSERVATIO LVI.

Quinque fistulæ femoris ex vulnere sclopeti cum tumore & osse carioso, male curatæ, sublato callo, & accommodatis remediis sanatæ quidem, ob extremum tamen os fractum supra aliud diutius coalescens, aliorum medicorum incuria, claudicante ægro. Quod antiquæ fracturæ ex vulneribus sclopetorum sint insanabiles.

MEMINI me curasse Illustrissimum Vincetium Gritti, sclopeto vulneratum in femore, novem menses Venetiis frustra curatum. Laborabat autem quinque fistulis femoris, & insigni ejusdem tumore, cum osse carioso, Illustrissimo ægro adeo emaciato, ut ossa sola cute tecta apparerent, accedente febre fixa, ex fistulis orta; quem cum interrogarem de remediis, & methodo curationis antea adhibitis, respondit, sine turundis processisse, applicito quodam cerato, & cataplasmate ex farina lupinorum, theriaca, & vino malvatico; præscripta a medicis victus ratione ex pane furfuraceo, & carnis loco, utpote quæ vulneribus sclopetorum noxia, oleribus, vel saltem aliquando folius vervecinæ concessu usu; quod valde mirari subiit, cum fistulæ, omnium consensu, non sanentur nisi sublato callo; qui non solum his accreverat, sed & ossis quinetiam corruptio accedebat: tumor autem a cataplasmate calidiori, & nimis exsiccante induratus adeo fuit, ut resolvi omnino non posset. Ego vero hoc modo curationem sum aggressus, præscripta primo victus ratione

tione, ex pane scilicet triticeo purissimo, pullis junioribus, glandulis, ac cerebris vitulorum, ovis forbilibus tremulis, ptisana hordeacea, vino oligophoro, & hujusmodi, exhibui quandoque ex pharmacacia, semiunciam floris cassiæ noviter extractæ, præscripto aliquando clystere, aut glande ad alvum ciendam; a quibus, quinque fistulas prius dilatavi turundis ex medulla milii indici, seu forgi, aliquando etiam ex spongia: & quia tumor, curationem impediēbat, illi applicui aliquot dies cataplasma Galeni 2. lib. ad Glauconem, ex farina triticea, aqua, & oleo communi, quibus brevi spatio temporis ex toto discussus est; expurgata quinetiam sensim materia, prout in omnibus fistulis, in eo congesta, atque in pus conversa, earum dilatatione. His peractis, deveni ad abrasionem ossis carioli, atque eadem opera, ad calli attritionem; cum vero hæ fistulæ a parte externa ad internam femoris penetrarent, & quædam mutuis osculis in se invicem hiarent, huc immisi fetaceum ex serico, imbuto unguento Isidis, cujus præsidio callus ex toto fuit sublatus; tum ferramentis totum os fistulis subjectum erasi; postmodum fetaceis dimissis, sensim turundas imminui, adhibitis medicamentis sarcoticis, mistis cum aliqua portiuncula Isidis, ne caro laxa, aut callus denuo succresceret, curationi impedimento futura; applicui quinetiam spongas supra femur, madefactas nostris aquis thermalibus montis nempe ægrotorum, atque modice fascia illud constrinxi cum spongiis, ita tamen ut in quælibet fistularum orificia brevem cannulam plumbeam immitterem, ne materia aut purulenta,

lenta, aut serosa, alicubi hærens, aliud sibi pararet foramen. Tandem sublatis cannulis, & arctius alligatis spongiis, orificiis fistularum adhibita filamenta arida, cum cerato ex Diachalcitide, cicatrici inducendæ; cumque medicorum Venetorum incuria, extremum ossis femoris fracti supra aliud coaluisset, non potui antiquam hanc fracturam, novem nempe mensium, componere, cum ratione debilitatis virium Illustrissimi ægri a principio curationis; tum quod fracturæ ex vulneribus sclopetorum, iis quinetiam integris, cum initio non bene committuntur, difficillime sanantur; quod nec quidem tentandum, ossibus frustillatim fractis, nisi præsentis vitæ discrimine; ut propterea Nobilis claudicare coactus fuerit.

OBSERVATIO LVII.

Ulcus amplum depascens totius cruris, male curatum, frequenti scilicet inustione, & exsiccatione nimia ossis, ejusdem abrasione & accommodatis remediis sanatum.

NOBILIS Veronensis ex familia Lisca, laborabat amplo ulcere, in totum crus serpente, cum ossis corruptione, atque effluxu ipsius medullæ, cujus causa, ut credo, Lues Venerea, hoc indicio, quod Veronæ diu curatum, nunquam tamen cicatrice obductum fuerat: cum vero a patiente quærerem, qua methodo medici ulcus curassent, fassus est, illos frequentissimis potissimum ossis inustionibus usos, carni, & labiis ulceris farcoticis adhibitis; frustra tamen, quod me iudice,
adeo

adeo exsiccaretur os, ut alimentum femori accedens illi nutriendo, ita absumeretur, ut carni sub ipso producendæ par non esset; ac proinde nec statuto tempore hoc abscedere posset, nec cicatrix induci, quod medicos illos latuit. Hoc vero cum animadverterem, scalpro abraforio totum os tum corruptum, tum combustum erasi, donec sanguis ex ipso exsudaret, adhibitis postmodum filamentis aridis, & supra carnem ambientem, farcoticis; quibus paucis diebus os munitum fuit cum carne circumposita, tum propria; cicatrice tandem, tempore illi opportuno obductum epuloticis. Observandum propterea hæc ulcera curantibus, abstinendum a medicamentis valde exsiccantibus, & ossa adurentibus, ob rationes superius allatas; cum illorum usu semper prohibeatur abscessio ossis, a carne supra os sanum genita, corruptum extrudente, documento chirurgis, ut hos errores vitent, nec velut insanabilia hæc ulcera dimittant.

OBSERVATIO LVIII.

Testiculi in inguine delitescents, in infante octomestri frustra diu tentata suppuratio, alterius tumoris loco.

TONSORIS cujusdam filius, infans octo mensium, tumore inguinum laborabat, quem ut ad suppurationem deducerem, cum me consulisset parens, varii generis medicamentis frustra antea tentatam, observavi testiculum alterum in inguine delitescentem, hoc indicio, quod alter scroto inclusus esset, parte opposita; ut propterea auctor

ctor fuerim, ab omni posthac remedio abstinendum, cum non tumor, sed testiculus esset, qui spatio postea septem, aut octo mensium sensim in scrotum prolapsus, ut sectione opus non fuerit, quam tonsor parabat.

OBSERVATIO LIX.

Ex Gonorrhœa venerea antiqua, variis fistulis pertusum collum vesicæ, prope urethram, cum effluxu urinæ non solum ex scroti pluribus locis, verum etiam ex inguinibus; præter spem sanitati restituto ægro.

CÆSAR Quaiotus Rhodiginus, morbo detentus, meæ curæ se commisit, multorum frustra expertus; qui primo laboraverat Gonorrhœa Venerea, quæ longo temporis spatio sua acrimonia, & mala qualitate collum vesicæ prope urethram, utrinque pertuderat, ut non solum ex scroto pluribus locis urina, verum etiam ex inguinibus efflueret, variis proinde fistulis subortis, quas insanabiles prædixi, superstitè adhuc Gonorrhœa: quarum tamen curationem aggressus, & primo quidem corpore quam accuratissime expurgato, illi exhibui decoctum ex ligno, & farfa, cum sudore; turundis interim usus, imbutis solo unguento ex Betonica, minoribus primo, tum crassioribus, fistulis dilatandis; a quibus earum primo sectionem sum molitus in inguine, non ultra integumenta, quam pervaderent usque ad collum vesicæ; immissa postmodum turunda ad fundum usque alterius fistulæ, & quidem sub vasis spermaticis ad testes delabentibus, per quorum ductum fistulæ

utrinque

utrinque ferpebant; quia vero cultro non poteram earum quod supererat fecare, illæsis vasis transversis, has propterea quotidie hinc inde dilatavi, atque patefactis vasis, sine ipsorum labe, sub ipsis eadem forfice, sensim & sensim dilatatione facta, mihi viam paravi, impositis globulis imbutis unguento Ifidis & ex Betonica simul mistis; qua methodo multos dies usus, urina cœpit imminui, cessante gonorrhœa; atque eadem tres menses continuata, injectionibus scilicet, aliquando ex aqua hordei, & portiuncula Ægyptiaci, absumendæ carni laxiori in quibusdam locis, atque alibi callo, non tamen valde duro, ob continuum urinæ & gonorrhœæ fluxum: infessiones, & injectiones postea ex aquis montis ægrotorum præscripsi, quibus progressu quatuor mensium circiter, non solum fistulæ inguinum sanatæ fuerunt, sed etiam tres aut quatuor ipsius scroti, solis immixtis turundis, illitis unguento ex tuthia, & Ifidis mistis; quas tandem eduxi, sublata causa ipsius gonorrhœæ & fluxus urinæ, incolumi multos annos ægro. Quem morbum cum nunquam antea, nec deinceps observaverim, insanabilem proinde existimaveram. Verum cum medicorum sententia, in medicina aliquando nascantur monstra, nunquam propterea salutis ægrorum desperandum.

OBSERVATIO LX.

Meatus urinarius gravissimo errore pro fistula pudendi muliebris curatus.

VOCATUS aliquando a Barbitonfore ad curandam fistulam pudendi muliebris, hic
M anatomæ

anatomes ignarus, illius loco, specillo mihi exhibuit meatum urinarium, in quem immittebat turundam longam fatis, medicamentis corrosivis inductam, ut tolleret callum, & fistulam sanaret. Miratus hominis imperitiam, cachinno dignam, ipsi mandavi, præfente muliere, ut deinceps uteretur exigua turunda per duos aut tres dies, illita unguento ex cerusa camphorato, quo excoriatio illa inducta a dictis medicamentis sanaretur; cum tamen simul a muliere discederemus, eundem monui, quam credebat fistulam, esse meatum urinarium; unde suborto risu, deprecatus est veniam, quod nunquam antea viderit pudendum muliebri, hujus erroris causam. Documento chirurgis, ne anatomes sint imperiti; cum ignoratis partibus, & earum morbis, medicamenta propria non possint illis adhiberi.

OBSERVATIO LXI.

Uterus laxatus a partu puellæ, pro secundinis non procedentibus, ab obstetrice imperita manibus magna vi attractus, & præcipitatus, suborta illius inflammatione, & gangræna, illustrissimæ matronæ mortis causæ.

CUM nobili cuidam, viginti annorum circiter, a partu puellæ non statim secundinæ procederent, atque uterum nonnihil laxatum obstetrix videret, hunc illarum loco, gravi errore, manibus magna vi attractum, extra pudendum præcipitavit, non sine magno dolore patientis nobilissimæ, quorum causa incidit in lipothymiam, utero

utero valde inflammato, & hærentibus secundinis; quem proinde primo inunxi oleo rosaceo, atque sensim medium introduxi; inunctionibus postmodum, omentis pinguibus castrati, & lacte adhibitis, eodem nonnihil molliori reddito, aliquot post horis totum in pristinam sedem compuli, secundinis sponte prodeuntibus, cum patientis levamento; quibus tamen non potuit prohiberi inflammatio illa gravis uteri, quominus migraret in gangrænam, & mortem nobilissimæ mulieris, sanguine licet educto, atque multis injectionibus, variisque præfidiis incassum administratis.

Exemplo obstetricibus quæ omnium peritiam profitentur, quanquam imperitissimæ, ut secundinas sponte potius prolabi permittant, quam violentis manibus eas sollicitent; aut earum loco, pro ut huic contigit, uterum ipsum extrahant, quam pluribus mortis auctores.

OBSERVATIO LXII.

A morsu equi refractarii detruncatum tertium internodium pollicis, cum evulsione tendinis musculi illud flectentis, ex voto sanatum.

ILLUSTRISSIMI & excellentissimi Octaviani Malipetri, Prætoris Patavini, Servus a Stabulo, carnosus habitus, triginta circiter annorum, cum anno 1654, equo refractario frænum imposeret, hic resiliens, & caput torquens, valide adeo illius pollicem dentibus arripuit, ut ejusdem internodium tertium detruncaret, evulso quinetiam integro tendine musculi illud flectentis, quod *apospasma* passim vocat Galenus.

Ad quem ego accitus, primo apparatu sanguinem repressi stupis ovi albumine imbutis; juxta Avicennam; *omnia vulnera communicare in retentione sanguinis currentis.* A quibus, mollius partem affectam ligavi, metu doloris & inflammationis ab arctiori vinculo; intercipiendo vero sanguini, humerum defensivo munivi, ex bolo armena, sanguine draconis, terra sigillata, cera, oleo rosato & aceto; atque ne sanguis congestus in eo musculi spatio, quod tendinem admittebat, putresceret, & abscessum excitaret, totum cubitum oleo rosato omphacino inunxi, intercipiendis humoribus ad partem affectam confluentibus. Postero die, remoto primo apparatu, cum os & tendines secundi internodii ex carne prominerent, illis filamenta sicca apposui, donec iis quoquo pacto exsiccatis, sub pullulascnte carne delitescerent, cujus circumpositæ, morfu contusæ suppurationem tentavi, Hippocr. consilio; lib. de ulceribus, his verbis; *quæcunque caro collisa fuerit, & disrupta, curandum quam citissime suppuret.* Quod præstiti digestivo, non quidem communi illo, utpote quod plus satis emollit, sed rosato, quod constat ex terebinthina, aqua rosacea lota, oleo rosato, & cera, superdato linimento simplici, composito ex unguento de solano, infrigidante Galeni, & de cerusa camphorato.

Eodem die, ad revulsionem, ex oppositi lateris basilica sanguis missus, ad libram circiter, juxta Avic. præscriptum, quod scilicet *potissimum in vulneribus, ut eorum apostematio probibeatur*; præmisso tamen clystere; die tertio blandum exhibui purgans,





- a. Facies superior.
- b. Facies inferior.
- c. Tertium internodium.
- d. Principium secundi internodij.
- e. Secundi internodij ossicula fracta.
- f. Os Sesamoidum.
- g. Insertio tendinis in tertium internodium.
- h. Tendinis longitudo duodecim digitorum.
- i. Tendinis latitudo.
- k. Finis ipsius tendinis, quæ è ventre sui Musculi eculatus est.

purgans, ex syrupo & melle rosato solutivis, cum decocto cordiali, atque defensivum, inunctionem, & digestivum ad septimum usque adhibui; a quo, misso oleo rosaceo omphac. ejus loco usus sum oleo rosato lumbricato, quo nervi musculos cubiti perreptantes, utcunque recrearentur.

A digestionem usus sum unguento de Betonica, ad deterfionem, & novæ carnis productionem, superinjecto parti cerato Diachalciteos Galeni, exsiccandis excrementis tenuibus, & carnis generationi curandæ: tandem ad cicatricem inducendam, usus sum unguento de tuth. superdato cerato diapalma. Cum autem sub vigesimum caro luxurians cicatricem retardaret, illi absumendæ, unguento de tuthia tertiam unguenti Isidis partem immiscui. Victus tenuis ad decimum quartum usque præscriptus, ex ovis sorbilibus, & panatellis, misso carniæ & vini usu, cujus loco aqua hordei exhibita; quorum usu æger feliciter adeo convaluit; ut toto curationis spatio, symptomatibus, quæ vulneribus alioqui accidere solent, omnino caruerit, febre quinetiam vacuus; quam historiam præsentis schemate illustrare, & veluti oculis sub-jicere consultum duxi.

OBSERVATIO LXIII.

Nervos & tendines vulneratos non esse suendos, contra Severini sententiam. Tendinis vulnerati, ex secta vena jecoraria lethalis, historia.

OBSE RVANDUM quoque nervos, & tendines non esse suendos, sicut perperam Severinus docuit Chirurgiæ Efficacis lib. 2. cap. 123. Primo quia

quia est contra Galeni methodum, quem proinde non intellexit; eo siquidem loco, quem Severinus citat, non solum scripsit, nervos non esse fuedos, quanquam nobiliores ipsis tendinibus, ratione spirituum per ipsos influentium, sed addit quin etiam, quod nunquam ausus sit eosdem fuere. Quinimo ego observavi, incaute nervos, aut tendines à quibusdam Barbitonforibus fuisse confutos, secuta convulsione, & morte patientum. Quare hæc Severini doctrina utpote contraria, & sententiæ Galeni, & experientiæ, non est omnino admittenda, quin potius damnanda prorsus. Nec obstat, quod suæ opinionis fautorem, & auctorem advocare conetur Pareum lib. 22. magnæ Chirurgiæ, cap. 10. in cura illius nobilis, cui nervis digiti manus sectis, quadam theca restitutus est motus; hoc siquidem ex verbis ipsius non constat, quæ sic habent. Nervo, tendineve penitus resectis, actio illa, cujus in parte autores erant, una plane aboletur: itaque flecti, tendive membrum inhabile est, nisi ipsi opis aliquid arte Chirurgica allatum fuerit. Id ego præstiti nobili cuidam a familia Annæ Mommorantii, Galliæ equitum magistri, cui in prælio ad Druidas commisso, vulnus tantum gladio militari ad dextræ manus articulum externa parte inflictum erat, ut tendinibus, qui pollicem erigunt, plane resectis, etiam consolidata & perfanata plaga, pollex intro inflexus, & in manus volam demissus maneret, nec extendi & surrigi posset, nisi forte vi revulsus ab altera manu, sed tum etiam statim revolvebatur. Itaque nec enssem ipse, nec pugionem,

nem, nec hastam capere & tractare poterat, armis omnino inutilis, sine quibus vitam nullam putabat. Cum igitur de amputando inutili illo, & comprehensioni officiente pollice, me consuleret, negavi me facturum : aliam enim rationem comprehensionem me animo habere, qua pollici afflicto succurrerem. Itaque thecam ex ferro albo ipsi efformandam curavi, in quam pollicem ipsum inderet, duobus loris ad armillas duas supra manus articulum, sic artificiose theca illa vineta, & colligata erat, ut intentus, erectusque pollex maneret, atque adeo militarium armorum genus omne captare & tractare ille posset.

Et proinde mirari subeat, virum alioquin magni nominis, hæc protulisse ; ut propterea vos monendos censeam ferio, nunquam nervos & tendines esse suendos ; cum Galenus eo loco dixerit, quod labia vulneris ad mutuum contactum adducenda sint, ipsumque vulnus suendum : de suendis vero nervis & tendinibus ne verbum quidem fecerit. Cujus pravæ consuetudinis suendi nervos, luculentum non minus quam funestum prostitit nuper exemplum, cum nostrorum Barbitonforum aliqui, misso sanguine ex brachio, lanceolis suis acutis, nervum sub vena jecoraria pertuderunt, miseris patientibus ex convulsione pereuntibus : ut propterea damnandus sit usus phlebotomorum acutorum : prout laudandi quibus utuntur Germani, semilunati scilicet, utpote mitiores atque procul ab omni vitæ discrimine, quibus exemplis sententia Severini omnino damnanda.



D E

FISTULIS ANI,

E T

INTESTINI RECTI:

Ac primo de ipsarum differentiis.



C A P U T I.



ICET non me lateat, ab omnibus auctoribus curationem fistularum ani proponi, cum tamen diversi sint a me modo & ordine eas explicandi, ac curandi, ideo decrevi eum in medium afferre, quo sæpe felicissimo successu has sanavi, a differentiis ipsarum exorsus.

Aliæ itaque fistulæ sunt prope anum, non tamen pervenientes ad ejus orificium: nonnullæ ad ipsum pertingunt, & serpunt exterius supra intestinum, quod tamen non perforant: quædam vero ipsum pertundunt: & quidem aliæ in externo musculo sphinctere: aliæ ad partem usque ejus mediam; quædam prope eundem externum superius,

superius, vel etiam ultra, superiori tamen parte : aliquæ inter utramque tunicam intestini recti sursum tendunt, modo ad medium sphincterem, modo ulterius : earum item quædam aliquando ad vesicam deflectunt, quæ sunt species fistularum ani, & intestini recti a me observatæ. Præterquam quod aliæ uno tantum sinu, aliæ pluribus perreptant ; quædam rectæ, quædam tortuosæ : quæ differentiæ accurate recensendæ fuerunt, utpote ad earum curationem apprime necessariæ.

De causis Fistularum Ani, & Intestini recti.

C A P U T II.

CAUSÆ harum fistularum aliæ sunt externæ, aliæ internæ. Externæ, vulnera in ulcera degenerantia, atque hæc in fistulas : contusiones ex equitatione, ex lapsu, vel aliqua hujusmodi causa anum contundente, cujus ratione oriuntur abscessus ; quæ contusiones, prope anum potissimum, ex pure in iis concluso, perforant absque dubio intestinum, quæ si longius ab ano recedant, illud non labefactant, sed tantummodo carnem, supra quam exterius serpunt.

Causæ vero internæ fistularum ani, & intestini recti sunt humores, hæmorrhoides, exulceratio.

Hæmorrhoides siquidem, ratione doloris sanguinem attrahunt, suborto postmodum tumore, qui in sinum, tandem in fistulam desciscit. Ab excoriatione vero intestini recti suboriuntur, dum ab aliqua materia biliosa, mordaci, vel virulenta, ex Lue potissimum Venerea exulceratur, atque

fenſim excavato ulcere ab eadem in eo congeſta, & diutius hærente, paulatim perfoditur, atque materia inter partes muſculoſas collecta, progreſſu temporis ſuboritur tumor in partibus externis ani, qui diſruptus in fiſtulam faceſſit, quæ tum inteſtinum, tum partes ejuſdem muſculoſas externas pertundit.

Ab humoribus quinetiam heterogeneis aliquando ad inteſtinum confluentibus, & muſculum ſphincterem perforantibus, abſceſſus & fiſtulæ ſuboriuntur, ratione ſuperius allata.

Atque hæ ſunt cauſæ, & modus generationis fiſtularum ani, & inteſtini recti. Ad ſigna modo progrediamur.

Signa Fiſtularum Ani, & Inteſtini recti.

C A P U T III.

SI fuerit fiſtula in partibus externis prope anum, quæ tamen muſculum ſphincterem non perforaverit, id ſpecillo patebit, prout ſi penetraverit in inteſtinum; intruſo ſiquidem digito oleo inuncto in anum, ſpecillum nudum illi occurret.

Dignoſcuntur fiſtulæ inter utramque tunicam inteſtini, immiſſo ſpecillo, ſi digito non fuerit obvium, ſed membrana ipſius inteſtini tectum. Obſervandum vero, quod ſpecillo immiſſo, totam longitudinem fiſtulæ deprehendimus, quo non pertingit digitus in anum immiſſus. An vero eadem fiſtula perforet inteſtinum rectum in muſculo ſphinctere, vel ſupra eundem, hoc prodit ſignum: ſiquidem ſi digiti in anum intruſi apex ab eodem non conſtringi, ſed in loco veluti vacuo hærente ſentia-

sentiatur; quo stylus quinetiam in fistulam demissus pervadat ad extremum usque digitum, in illud scilicet cavum, fistulam perforare intestinum supra musculum indicio fuerit; cujus intestini perforati signo ab omnibus proposito, accedunt flatus, male olentes scilicet ex fistula erumpentes, aut fæces.

Utrum vero fistula fuerit in principio musculi sphincteris, medio, vel fine, perbelle patet digito, & specillo, ut supra observatum. Quando vero ad vesicam tendunt fistulæ, situs id nobis demonstrat, oculis siquidem ipsis id patet, specillo in locum vesicæ demisso: si vero vesicam pertuderint, copiosa effluet urina, atque aut per totum vitæ curriculum laborant, aut misere paucis post diebus ægri moriuntur, si fistula valde dilatetur. Et hæc quoad signa, in quibus medico-chirurgus multum accuratus desideratur, in iis potissimum, quæ musculum, & intestinum perforatum produnt.

De Fistularum Ani Prognosi.

C A P U T IV.

OMNES fistulæ superius descriptæ a perito Medico sunt sanabiles; prout, omni ambitione procul, felicissimo successu earum quamplures, imo sexcentas perfecte sanavi, methodo inferius proponenda, quanquam in his quædam facilius, quædam difficilius; & quidem ægre admodum sanantur, quæ scilicet supra sphincterem musculum intestinum perforant; ut quæ a Luc Gallica subortæ. Facilius vero, & brevi tem-

pore, quæ in orificio ani ; minus facile, quæ in medio musculo, ut & quæ intestinum perforant supra musculum ; quippe difficillime istæ, nec nisi longo tempore admittunt sanationem.

Majori autem difficultate, si symptoma aliquod grave eisdem accesserit, utpote inflammatae hæmorrhoides, atque proximus illis subortus abscessus, dolor gravis partis affectæ, ut & callus annosus, ac durus admodum ; quæ symptomata licet diutius protrahant earum sanationem, non vero eam prohibent omnino ; quin potius his sublati, facilius eadem contingit.

Dubium vero apud auctores, utrum ani fistulæ occludi debeant, quibusdam id omnino negantibus, utpote quæ insanabiles, ipsorum sententia, qui hanc curandi viam ignorant ; quibus refragatus, censeo omnes debere, ac posse sanari, his exceptis, quæ corpus cachecticum exercent ; quo casu observandum, an fistulæ post cachexiam sint obortæ, an vero fistulas cachexia exceperit : si enim fistulæ cachexiæ succedant, tunc non sunt sanandæ, nisi prius sublata viscerum omnium intemperie, & ad laudabilem redacta ; quæ vero cachexiam præcedunt, omnino obducendæ.

Quod vero ex fistulis induci possit cachecticus habitus, facile est probare ; sanguis siquidem, dum circulatione partem a fistulis corruptam, ac proinde inquinatam alluit, pravam nescio quam suscipit qualitatem, quam visceribus postmodum impertit, ac cachecticam infert dispositionem ; vel saltem, non concessa circulatione, sanguinis retri vapores, elevati a parte fistulosa pure obfusa sanguinem

sanguinem contaminant, unde vitiata nutritione oritur cachexia.

Quod vero aliqui objectant, scilicet purulenta illa materia, quæ continuo ex fistula effluebat, erumpat, eadem sanata; hanc certe inquirunt, tetram & corruptam necesse est recurrere, atque alias partes labefactare; ut propterea pessimo consilio fistularum ani sanatio tentanda sit. Respondemus, nullum ex earundem sanatione sequi detrimentum; siquidem prout natura singulis corporis partibus proprium alimentum largitur, ita parti fistula laboranti; cui tamen nutriendæ cum sanguis laudabilis licet, accedit, corrumpitur, & in pus convertitur, qui propterea est expurgandus, unde sanata fistula, alimentum illius partis non corrumpetur amplius; quinimo alimentalis substantiæ particeps in eam fa-cesset, ut non sit opus materiam illam refluere ad partes sanas, atque ipsarum temperiem corrumpere; ut propterea fistulæ ani, & intestini recti possint, nullo ægrotorum periculo sanari, ut sæpissime observavi; præmissa tamen totius corporis cura, expurgantibus materiam morbificam & viscerum nativam temperiem redintegrantibus; atque quo omnis prorsus timor absit materiæ refluxus, fonticulus femori dextro inurendus, expurgandis quotidie excrementis.

Curandæ vero fistulæ ani, periculo gravioris mali, ex puris effluxu, ut sæpissime fit, cohibito, quod acrius, & calidius in varios sinus se diffundit, pertuso intestino, & amplis ulceribus productis, ex quibus quamplures moriuntur; prout exacto
bien-

biennio accidit Illustrissimo, & excellentissimo Malipetro, D. Marci Procuratori, non admissa sectione fistulæ ani: quod & in sexcentis aliis observavi; ad quarum propterea curationem me accingo.

De Fistularum Ani, & Intestini Recti Curatione.

C A P U T V.

CURATIO fistularum duplex est; alia universalis, causæ; alia particularis ipsi morbo dicata. Universalem quod spectat, si viscera patientis fuerint bene constituta, ut patet ex inculpata valetudine totius corporis, abunde erit corpus expurgare lenientibus, præparantibus & purgantibus, levioribus tamen, misso sanguine, si opus fuerit, ex brachio vel pede; quanquam aliqui abhorreant a medicamentis; quibus quidem non refragamur, præsentente optima corporis constitutione, qua præditos multos curavi, non expurgato corpore, felici successu, & absque ullo futuri morbi periculo. Quod si patiens fuerit mali habitus & cacochymicus, purgandus primo, semel & iterum, fluxioni arcendæ ac tollendæ; tum propinandum decoctum ex lingo Guajaco, Sarsaparilla, aliisque medicamentis, pro ægri temperamento; præsentente siquidem cachexia, raro admodum ex toto sanantur fistulæ, nisi sublata viscerum intemperie, iisdemque corroboratis. Quoad curationem topicam, multiplex ea est, pro varietate, & differentiis fistularum. Fistulæ quippe prope anum, quæ non pertingunt ad ipsius orificium, facillime

facillime sanantur, non tamen absque sectione ; & quidem si rectæ, non sæpius repetita, si sinuosæ, pluribus.

Primo igitur foramen fistulæ dilatandum turundis, imbutis aliquo proprio medicamento, unguento scilicet ex betonica, matrifylva & hujusmodi ; ac quotidie eadem crassiores immittendæ, donec foramen fistulæ satis ampliatur admittat scalpellum ad sectionem ; quod si aliquando non sufficiant, aliæ adhibendæ ex radice gentianæ, aut medulla forgi, vel spongia filo constricta : satis vero dilatato foramine, demittendus cultellus rectus, ab Aquapendente delineatus in instrumentis Chirurgicis, atque facienda unica sectio ad fundum usque ipsius fistulæ ; postmodum imponendi globuli imbuti ovi albumine, ad prohibendam inflammationem, superinjectis stupis in eodem madefactis ; quibus postero die remotis, diligenter stylo inquirendi alii sinus, qui dilatandi, atque secandi modo jam dicto ; tum refrigerantia applicanda, atque supra fistulam primo sectam adhibendum digestivum. Quia vero sæpissime a sectione callus subortus impedit sanationem, illi tollendo, ex usu erit viride æris, vel præcipitatum inspersum : cavendo tamen ne hæc corrosiva contingant labia vulneris, metu doloris gravioris. Quibus frustra adhibitis, deveniendum ad ignem actualem ; quanquam observaverim aliquando callum sublatum solo digestivo ; quod licet alicui forsan novum, & præter rem videri possit, sæpius tamen experientia mihi est compertum, potissimum vero in muliere quadam laborante antiqua fistula,

fistula, perfodiente ambas nates, per ossis coxendicis foramina, quæ clauduntur a musculis obturatoribus, externo & interno, quæ callo obduruerat admodum duro, ad crassitiem medii digiti, quam curavi amplis utrinque sectionibus ad ossa usque; postmodum applicato digestivo, concoctionis causa, quibus callus mollior factus, levi negotio abscessit, instar corticis arboris, spatio quinque mensium, perfecte adeo muliere sanata, atque multis post annis incolumi.

Consumpto vero callo, detersoque vulnere, caro generanda, non quidem unguentis sarcoticis, utpote humidioribus, sed siccis, de tuthia scil. vel Isidis; atque ita globulis his imbutis vulnus implendum, ut caro e fundo succrescat, priusquam illi imminuantur; necnon supra eosdem applicandum ceratum de diachalcitide, vel de cerusa, aut de gratia Dei; vel, hyemali potissimum tempore, Barbarum.

Producta æqualiter carne, inducenda cicatrix, non pulveribus, nec filamentis aridis, quibus labia vulneris callosa evadunt, & cicatrix non ita facile obducitur; sed eorum loco, medicamentis potentia siccis, actu vero humidis, prout supra dicta unguenta Isidis, de tuthia, de plumbo, & similia, quibus dura ac solida evadet cicatrix, quæ difficiliter dehiscat.

Quia vero quandoque succrescit caro, quæ remoratur cicatricem, atterenda hæc alumine usto, præcipitato & similibus. Atque hæc de curatione primæ differentię fistularum.

Aliæ vero fistulæ, quæ ad orificium ani per-
tingunt, & serpunt exterius supra intestinum rectum,
non tamen ipsum perforant, non ita facile sanan-
tur, ob copiosas humiditates, quæ ab intestinis
continuo defluunt. Istæ tamen, prout in aliis dix-
imus, sunt dilatandæ, & secandæ; nullo quippe
alio præsidio sanantur.

Hic oritur dubium, an sectio sit facienda in in-
terna, an externa parte; si enim externa longior
videtur futura, ac nimis profunda, non levi sane
periculo fit, ratione magnæ sectionis; si interna,
vulnerantur sanæ partes. Id tamen solvitur, quod
scilicet sectio internæ partis sit præferenda; quia
fistulæ, quæ serpunt secundum intestinum rectum,
quamvis ipsum non perforant, nunquam possint
consolidari, nisi ipso quinetiam secto; nec abs-
que ratione, cum heterogeneæ substantiæ sint, in-
testinum & caro circumposita, quæ proinde non
potest agglutinari, nisi carneæ substantiæ ope,
quod per sectionem curandum.

Quod vero caro intestino coalescere non possit,
causa est humiditas ichorosa, quæ ab ejus mem-
branis effluens, humectat carnem ipsam, impedit-
que quominus possit agglutinari; ut propterea
non sit omnino metuenda musculi sphincteris &
intestini recti sectio; hac tamen cautione, ut mus-
culus non totus secetur, ne fæces involuntarie ex-
cernat.

Facta sectione, omnia præstanda superius præ-
scripta, hoc solum excepto, ut digestivi loco, u-
tamur unguento ex *Betonica*, vel de *matrisylva* ali-
quot dies; adhibitis deinde exsiccantibus paulo

validioribus, coercendæ superfluæ humiditati, atque solidiori carni in fundo fistulæ producendæ; oppleta vero fistula carne firma & laudabili, obducenda cicatrix modo supra dicto; quæ tamen mollior sit, non dura, quo musculus perfecte constringi possit; hæc siquidem aliquando dura adeo evadit, ut ille satis non possit coarctari, non sine involuntaria fæcum excretionem, cujus causa imperiti sectionem musculi a Medico factam calumniantur.

Quod si contingat callum durum produci, emolliendus erit aqua forti, vel spiritu vitrioli; præter infusus in aquis nostris thermalibus, apprime utiles, quarum vis non solum callos emolliendi, sed etiam simul & semel mirifice corroborandi partes læsas: in quam rem propterea vitanda olea, unguenta, & cerata, quippe quæ laxando, reddunt partes fluxioni obnoxias, & callo non nisi tardius producendo opportunas.

Succedit modo curatio fistularum, quæ intestinum perforant, sive in externa musculi sphincteris, sive media, sive suprema ejusdem parte; quæ tamen loci diversitas non mutat curationem, sed solummodo ejusdem tempus; extremi quippe musculi fistulæ citius sanantur, medii vero, vel supremi, tardius, propter profundas sectiones, quibus ad perfectam earundem sanationem opus est; quæ, prout aliæ omnes, primum dilatandæ turundis accommodatis, mox secandæ; idque duplici ratione, vel syringotomo, vel filo serico, aut seta equina. Utimur filo, patientibus ferrum reformidantibus; licet hæc sectio longa sit, & dolore

dolore molesta; frequentius vero syringotomo, quia citius, & minori dolore operatio perficitur.

Patefacta fistula, alterutro modo supradicto procedendum, cavitasque ex sectione opplenda globulis imbutis ovi albumine. Notandum tamen, quod hæ fistulæ plures postulant globulos, ut sectio patens sit, ne coalescente denuo intestino, quod facile fit, partibusque circumpositis, fistula eodem statu, quo antea vigeat. Facta coctione, potius unguento ex Betonica, cum digestivo, atque optimo pure apparente, producenda caro: non quidem ut aliorum vulnerum, ratione superioris allata, unguentis de Betonica, vel de matri-sylva, quibus, ob actuale humiditatem laxa fit & mollis, in parte potissimum humidiori, sed adhibitis filamentis siccis, pulveribus tuthiæ præparatæ, terræ sigillatæ, cornu cervi usti, plumbi, & hujusmodi medicamentis, actu & potentia siccis inspersis, quibus cicatrix quinetiam firma obducitur.

Quod si musculi sphincteris multum sit abscissum, contraria instituenda curatio, unguentis nempe actu humidis, potentia vero siccis, ne cicatrix, ut jam docui, durior & solidior evadat, quæ prohibeat constrictionem ipsius musculi, cum fæcum involuntario exitu.

Modum vero quod attinet curandi fistulas, quæ intestinum perforant ultra ipsum musculum sphincterem, superiori parte, quanquam insana-biles a multis habentur, nisi toto musculo sphinctere præfecto, ex quo involuntaria fæcum excretio, eas tamen sæpius sanavi summa felicitate,

citra illud incommodum, facta congrua dilatione, prout in aliis omnibus præscriptum ; musculus siquidem sphincter eousque secandus, ut aliqua ipsius pars, Verbi Gratia, ad latitudinem annuli, integra supersit, ac intacta, quæ suo fungatur officio.

Facta sectione, superstes fistula erit inurenda, ut callus tollatur, cujus sublata crusta butyro, vel digestivo, implenda cavitas globulis, imbutis unguento de tuthia ; hac observatione, ut immineantur illi, donec proba caro æqualiter generetur, & cavitas oppleatur.

Quia vero plurimum accidit, ut propter redundantem humiditatem partis, generetur caro fungosa, & mollis, huic absumendæ, valet unguentum Isidis, cum unguento de tuthia æqualiter mixtum, usque dum caro utilis producta fuerit, cicatrice postmodum obducta.

Succedunt modo fistulæ, quæ serpunt inter utramque tunicam intestini recti, & superius tendunt, modo ultra latitudinem sphincteris, modo infra ; quæ tamen raro callosæ fiunt, ut ego observavi, propter affluentem humiditatem intestinum, & membranas continuo alluentem, quæ proinde statim sunt dilatandæ turundis ex panno lineo confectis, vitatis illis ex medulla forgi, radice gentianæ, & spongia præparata, quæ plus satis dilatando, lacerant membranas intestinorum ; quibus abunde dilatatis, secandæ illæ sunt secundum longitudinem, absque ullo metu læsionis musculi sphincteris ; ad interna vero facienda est sectio,

Dum

Dum vero fecantur, immittenda intra anum cannula rotunda, altero extremo clausa, altero vero latere fissura patefacta, in cujus medio lana mollis, vel gossypium lateat, ne acies scalpelli hebetetur; cujus cannulae usus est, ut secta fistula, excipiat gladiolum, illæsis proinde intestini partibus oppositis.

Curantur facile istæ fistulae sectæ obducta cicatrice, injectionibus exsiccantibus bis per diem infusis, necnon immixtis turundis imbutis unguento ex tuthia, atque pulveribus itidem exsiccantibus.

Facta sectione, statim indenda turunda longa, ad fundum usque sectionis pertingens, illita ovi albumine, cum bolo armena orientali conquassato; postero die ad deterfionem, injicienda aqua hordei, cum melle rosaceo, & supra turundam, inspergendi pulveres ex bolo armena, terra sigillata, cornu cervi usto; tum ad exsiccandum tum ad adstringendum. Notandum vero, quod his fistulis nunquam digestivum adhibendum, ne tenues membranæ intestini corrumpantur. Transactis quatuor aut quinque diebus, parandæ injectiones ex aquis thermalibus montis ægrotorum; vel harum inopia, artificialibus ex vitriolo, nitro, sale, alumine cum aqua communi, immixta semper turunda imbuta prius unguento ex tuthia; deinde pulveribus exsiccantibus jam dictis; quibus remediis obducenda cicatrix, quæ durior licet & callosa, nequaquam tamen præpedit constrictionem musculi sphincteris; quinimo si mollior foret, brevi resolveretur de novo ab humiditate continuo partem illam alluente.

Supereſt

Supereſt curatio fiſtularum ad veſicam ſerpen-
tium, quæ differunt: quædam enim perveniunt
ad ejus collum; & quidem, aut juxta ejus exor-
tum, vel medium, vel finem, nec ipſum perfo-
rant; aliæ ipſum perforant; aliæ ipſum pertun-
dunt in ejusdem exortu, aut medio, aut circa
finem, qua veſica annectitur ſuæ cervici.

De prioribus actum in tractatu de fiſtulis ure-
thræ, de aliis non eſt differendum, cum omnino
ſint inſanabiles, & ſolo prognſtico relinquendæ,
ne infamentur præſidia, quæ multis fuere ſaluti,
ex Celſo; ut proinde earum ſola curatio docenda
ſuperſit, quæ pervadunt ad cervicem veſicæ,
ipſam tamen non perforant, in quibus majori di-
latatione opus eſt, quam in ſuperius propoſitis; in
quam rem, ex uſu ſunt turundæ ex ſpongia con-
torta & compreſſa, radice gentianæ, medulla
forgi, vel ſambuci; atque dilatata fiſtula, facien-
da ſectio, non quidem ſcalpello, ſed gladiolo in
hunc uſum parato, admodum recurvo, dorſo
lævi, ne lædatur collum veſicæ, acuta acie, quod
partes illud inveſtientes ſint membranofæ, quæ
difficulter ſecantur. Si ſint plures ſinus, prout
plurimum ſit, pluribus quinetiam ſectionibus pate-
faciendi, illæſa ſemper cervice, ne Medico infa-
mia inuratur; turpe quippe ac foedum foret,
urinam per aliam partem effluere, quam natura-
lem. Facta ſectione, callus removendus, tum
abſolvenda curatio modo jam propoſito in aliis
fiſtulis; a quibus iſtæ non differunt, niſi ratione
ſitus. Obſervandum tamen Medico, ut ſtatim
ad fiſtularum ani curationem ſe accingat, niſi re-
nuente

nuate ægro; suppressa ſiquidem, ut sæpe fit, purulenta materia, varii ſinus excavantur, unde progreſſu temporis fiſtula in plures diffunditur, ex qua materia ſuppreſſa ſuboriuntur aliquando abſceſſus, non ſine magno dolore, & febre ſatis gravi.

Quod ſi fiſtulæ fuerint amplæ, deducunt totum corpus in cachexiam; ſanguis quippe, dum circulari motu movetur, & partem affectam permeat, ſuſcipit neſcio quam malam qualitatem, & inquinatur, atque a parte fiſtula excavata elewantur vapores putridi, qui labefactant viſcera naturalia & vitalia.

Fiſtulæ vero, quæ perforant inteſtinum, ideo ſtatim ſunt curandæ, quia ægri plurimum laborant tenefmo, & frequenti dejiciendi cupiditate, cum doloribus in excretionem fæcum; & quod gravius, cum pars affecta pure ſemper redundet, accidit ſæpius, ut in ulcera phagedæna faceſſant; quod frequentiffime obſervavi.

De Symptomatibus ſupervenientibus curationi Fiſtularum ani, & Inteſtini recti.

C A P U T VI.

PRÆCIPUA Symptomata, quæ in fiſtulis ani ad ſe trahunt curationem, ſunt, ſanguinis fluxus, inflammatio, vehemens dolor, & hæmorrhoides. Dolor ſedandus anodynis, ut oleo amygdalarum dulcium, violarum, chamæmelino, lacte, butyro loto aqua roſacea, & hujusmodi.

Ali-

Aliquando insignis suboritur inflammatio, præsertim ex sectione, si fuerit magna, ratione scilicet doloris attractis humoribus; tunc vero applicanda repellentia, ut ovi albumen, succus plantaginis, portulacæ, polygoni, myrtillorum; atque si dolor & ardor urgeant, educendus sanguis e venis superioribus, revulsionis causa, ad partes longinquas.

Tument vero sæpissime hæmorrhoides, sectione potissimum, & applicatione medicamentorum acrium irritatæ: hinc acuti dolores, qui curationem trahunt, quibus ex usu est linteum in lacte tepido expressum, & applicitum, necnon offa panis lacte vaccino imbuta, & apposita; prout optimum unguentum rosaceum; quo casu conveniunt quinetiam stupefacientia, leviora tamen, ut unguentum populeum, vel fantalinum, cum portiuncula opii. Nullum vero præstantius remedium sectione venæ brachii, ratione revulsionis, postmodum ex pede, derivandi causa, ratione morbi & virium.

Ultimum symptoma est sanguinis profluvium; secantur quippe aliquando rami venarum hæmorrhoidalium, qui statim sanguinem magno impetu effundunt; qui proinde omni ope sistendus, cum in eo vita consistat; applicandum propterea gossypium ustum, cum pulveribus adstringentibus; necnon stupæ imbutæ ovi albumine, parte manu apprime compressa per aliquod tempus, donec coerceatur; quo apparatu utendum duos aut tres dies, quousque sponte a pure alluente defluat. Quibus vero instituta est aliqua sectio, vel hæmorrhoides

morrhoides fluunt, inieffus ex aquis thermalibus non sunt administrandi, utpote qui facultate quadam fluxum sanguinis denuo excitant, quorundam chirurgorum gravissimo errore, qui illis utuntur.

De Observandis in curatione Fistularum Ani, & Intestini Recti.

C A P U T VII.

PERPERAM existimant multi Pseudo-Medici, se sanare posse fistulas ani, & intestini recti balsamis, unguentis, injectionibus, aliisque hujusmodi præsidiiis; verum frustra laborant, cum hæ non nisi sectione, & uisione sanabiles sint. Siquidem ego spatio quinquaginta annorum, nullam vidi fistulam ani, sanatam perfecte; licet observaverim aliquas, barbitonforibus, imperitisque Chirurgis ad cicatricem deductas quibusdam arcanis remediis, sed in speciem solum, & superficie tenuis; in quarum quippe fundo materia purulenta delitesceret, paucos post dies in novas majores fistulas & graviores diffusa.

Quare si ex toto fistulæ sint sanandæ, ferro sunt omnino secandæ; quod licet multi reformident, Anatomes ignari, ejusdem tamen periti nullo periculo, & metu hoc præsidio utuntur; quod tamen caute administrandum in hujusmodi fistulis, ne lacerentur venæ fedales, hæmorrhoides dictæ, cum sanguinis erumpentis magno impetu, qui non adeo facile sistitur. Si itaque hæmorrhoides non tumeant, faciendæ sectiones inter

unam & alteram ani rugam ; si vero appareant, eadem inter ipsas administranda.

Fistulæ profundæ opus habent pluribus, & repetitis sectionibus, metu inflammationis ; unica enim & ampla, ob vulneris magnitudinem, dolorem & inflammationem excitat ; quod observandum etiam in sinibus profundis ; ut propterea gravissimo errore quidam imperiti chirurgi, laniones potius, statim post sectiones ani & intestini recti, ferramento candente urant partes recens cultro læsas, unde dolor insignis & curatio longius protracta.

Sæpissime vero accidit, ut flaccida caro sub crescat, quæ corrosivis absumenda, alumine scilicet usto, præcipitato, viride æris, trochiscis de minio, & huiusmodi : in quorum tamen medicamentorum usu observandum, applicanda mane potius, quam vespere, ne ratione doloris, patientibus somnus intercipiatur, magno eorum detrimento ; multos siquidem vidi, qui ob vigilias, & dolores a medicamento vespere adhibito, inciderunt in febres ; quod non accidit, si interdiu eadem medicamenta usurpentur ; quia vis sensitiva occupatur, & avocatur a variis objectis externis ; præterquam quod possumus eadem remove, & illorum loco, sedantibus dolorem uti, sine ullo incommodo patientis & somni, quod noctu commode præstare non possumus.

Quod si pars ægra dolore afficiatur, adsitque febris, vel inflammatæ hæmorrhoides, tunc a sectione abstinendum, donec propriis remediis cedant ; contingit vero aliquando dolor a materia purulenta, suppressa in aliquo loco ipsius fistulæ,
& po-

& potissimum in aliarum partium fistulis, & finibus flexuosis, in quibus acrimonia corrodit partes subjectas, & dolores infert continuos, quibus sanandis statim facienda sectio, ut eadem effluat.

Observandum etiam summa diligentia, ut antequam ægri hujusmodi dimittantur, sectiones omnino sint carne oppletæ, & cicatrice obductæ; si enim vel minimum quid earum superstes fuerit, non occlusum, progressu temporis puris guttæ genitæ erodunt partes, atque ulcus & fistula suboriuntur; cujus erroris crimine laborant Medicorum nonnulli.

Advertendum quinetiam, quarundarum fistularum, ut superius diximus, si media aliquando tantum pars secetur, alia superstitie integra, eas vel sponte a natura perfecte sanari, vel aliquando balsamo nigro Peruviano infuso: idque propria experientia, in iis potissimum, in quibus non adfit callus confirmatus, & valde durus: vel simili aliquo alio Balsamo artificiali.

Observatio de Fistulis Ani.

Quatuor fistulæ perforantes rectum intestinum, in infanthulo unius mensis, perfecte sanatæ.

CURAVI infantem unius mensis, Nobilem Patavinum, laborantem quatuor fistulis ani, perforantibus rectum intestinum, parte inferiori.

A principio exiguis turundis duas tantum ipsarum dilatavi, imposito filo serico, cui alligavi parvum syringotomum, arte paratum; quas postmodum sanavi modo superius proposito, tractatu

de fistulis, alias vero duas eadem methodo secui, & ad cicatricem deduxi, ægro firma etiamnum valetudine degente. Quod observasse e re fuit, ut rarum, ratione ætatis.

De Ulceribus Ani,

QUIA vero nostro ævo frequentissime suboriuntur ulcera in intestino recto, ægre admodum sanabilia, ut quotidiana patet experientia, modum propterea hæc sanandi proponere decrevi, hoc præmissis, quod pleraque horum ulcerum ortum ducunt a Lue Venerea, & potissimum præpostera, raro vero ab alia causa; licet quædam oriantur a dysenteria, in parte nempe superiori ipsius intestini recti & colli; alia vero ex hæmorrhoidibus, partis scilicet inferioris ejusdem recti, & circa orificium ani; rhagades vero, vel scissuræ quæ a falso & acri humore ortæ; facile tamen sanabiles, dummodo mala aliqua qualitate careant. Ulcera autem ex dysenteria facta, deterfione aqua hordei & melle rosaceo iterum, & tertio per siphonem infusis; postmodum nostris aquis thermalibus, brevi spatio temporis sanantur; prout rhagades unguento ex cerusa camphorato, ducto in plumbeo mortario. Ulcera vero Venerea, quæ plurimum supra musculum sphincterem, non adeo facile; ex concubitu quippe semen corruptum, & virulentum in ipso superstes, ulcera ampla excitat, quæ progressu temporis serpunt, aut superius, vel inferius: cum observa-

verim

verim in cadavere supra triginta ulcera, distincta magnitudine unguis supra ipsum musculum sphincterem, per totum rectum intestinum serpentina, ad coli quinetiam partem aliquam, ex quibus ulceribus duæ tresve libræ puris per diem evacuabam. Hic autem patiens erat valde emaciatus, cum febre lenta ex ulcere, qui a me curatus tredecim, aut quatuordecim dies, tandem obiit. Præter ulcera vero supra musculum sphincterem, adfuit sinus quidam, ab ulceribus superioribus serpens, usque ad ani orificium; quorum ulcerum causa fuit Medicorum incuria, qui duos ante annos ipsum non sanatum dimiserunt, ejusdem salutis prætextu, quod materia a toto corpore maligna expurgaretur; ut propterea miserrimus patiens sine remediis diem obire coactus sit; quamobrem modum docere decrevi, quo in curatione horum ulcerum uti soleo.

Primo itaque totum corpus ab humoribus expiandum medicamentis propriis, humores redundantes purgantibus; deinde assumendum decoctum ex Ligno Guajaco, & sarfa, per quadraginta dies, cum sudore, prout in Lue Venerea; atque dum hæc fiunt, adhibenda remedia topica, in primis injectiones a principio, ex aqua hordei, mista cum Unguento Ægyptiaco, ad abstergenda ulcera, semper sordida, usque dum dolorem inferunt, atque cum ex ipsis aliqua portiuncula sanguinis effluit; tunc vero abstinendum ab Ægyptiaco, cujus loco erit decoctum Guajaci, scordii, virgæ aureæ, & hujusmodi; postmodum utendum aquis nostris thermalibus montis Ægrotcrum: atque
ab

ab injectionibus immittenda semper turunda longa & crassa, imbuta unguento rubro Placentini dicto, aut unguento ex tuthia, misto cum unguento Isidis æquali dosi, & aliqua semper portione præcipitati, ut Lui Venereæ dicati. Quo modo multa ulcera Venerea sanavi, & quotidie fano; quanquam ulcera quandoque adeo maligna occurrunt, quæ remediis dictis non cedunt, in quibus deveniendum ad ignem, quo inurenda non solum semel, sed iterum, & tertio, ac quarto; atque ne partes sanæ lædantur, locus primo ulceris inveniendus; in quam rem utuntur quidam instrumento speculo ani vocato, quo lacerant partes, cum dolore, & inflammatione; neque tamen locus ulceris patet; ut propterea usum speculi non probem, cum facilius quod optamus consequi possimus. Quo itaque ipsum duntaxat ulcus inuratur sine læsione aliarum partium, hac methodo utor; immitto turundam longam, crassam, aliquo unguento ex prædictis imbutam, quatuor aut sex horarum spatio, quaeducta, observo, quæ pars ejusdem unguento careat, cujus loco aliqua materia purulenta superstes ipsi turundæ inhærens patefaciat locum & magnitudinem ulceris; tum mihi paro cannulam ejusdem longitudinis, quæ possit pervenire ad ulcus, cujus extremum sit obturatum, & perforatum tantum illa parte, quæ ulceri respondet; deinde munio cannulam linteolo imbuto ovi albumine cum aqua rosarum, ipsamque in anum intrudo, & ferramento candente per eandem immisso, repetitis vicibus inuro ulcus; hac tamen cautione,

ne

ne frequentius id fiat, & citius, remoto ferramento candente, potius quam eodem diutius intra cannulam contento, ne scilicet intestinum rectum altius inuratur & perforetur. Facta inustione, duos aut tres dies utendum turunda imbuta butyro; postmodum deveniendum ad injectiones superius dictas ex aquis thermalibus, vel decoctionibus exsiccantibus, imposita semper turunda imbuta dictis unguentis: qua methodo multa ulcera Venerea intestini recti sanavi, quam propterea latere nolui.

Observatio Singularis.

Gravia symptomata ex vi in anum immissa cauda porcina, ejusdem setis ad medium usque sectis, brevi omnino sedata, cum salute ægræ.

MEMINI Meretricem quandam in vitæ periculum deductam, cui a quibusdam studiosis cauda porcina, quæ acri hyemis frigore obriguerat, intra anum immissa fuit hac ratione; sectis scilicet primo setis ejusdem, ad medium usque, valde asperis, postea inuncta eadem oleo, atque in anum ipsius mulieris vi intrusa; cum vero aliqua portio ipsius caudæ, longa tres digitos, extra emeretur, atque eandem Medici tentarent educere, pili inversi defigebantur in intestinum rectum, ut dolorem ægra ferre non posset; cum vero medicamenta postmodum per os exhibuissent, speculumque immisissent, ut anum dilatarent, & educerent caudam, frustra fuerunt, adeo ut sex dies alvus illi suppressa fuerit, accedente vomitu,

cum

cum febre, & dolore omnium intestinorum : accitus vero, cum omnia prædicta intellexissem, arundinem longam duas, aut tres spithamas perforavi, in extremo lævigatam ; deinde filo crasso extremum ipsius caudæ, extra anum prominens arctæ alligavi, atque immisso filo in cavitatem ejusdem arundinis in podicem immisi, per quam filo attracto caudam eduxi, illæso omnino intestino recto, ex quo statim maxima copia fæcum effluxit, cum patientis levamine ; postmodum injecto duos aut tres dies lacte caprino, bis, terve per diem, atque sedato dolore, gravissimo certe, infudi vinum nigrum austerum, ad corroboracionem partis : quibus ex toto convaluit ægra.





DE
ULCERIBUS
ET
FISTULIS
URETHRÆ.



RIUNTUR ulcera ex gonorrhœa Gallica, plurimum in extremo collo vesicæ, atque urethra: aliquando etiam ab humoribus calidis acribus, & corrodentibus, licet raro. Ulcerum autem colli vesicæ in perineo situs; eorum vero, quæ paulo infra ipsum, in scroto: quandoque vero inter glandem & penem delitescent, in foveola scilicet illa, ubi glandis ortus. Hæc autem non ita facile sanantur, nisi ex toto gonorrhœa sublata: quæ enim ab aliis humoribus oriuntur, emulsione seminum melonum, decem aut duodecim dies, sponte sunt sanabilia. Si itaque ex gonorrhœa ortum ducant, curanda hæc medicamentis accommodatis, ab omnibus propositis, luem spectantibus, decocto scilicet Guajaci, cum sudore, & hujusmodi.

modi. Sanata Gonorrhœa, ulceri incumbendum primo: nisi enim fanetur, caro ex ipso luxuriat, unde affectio, ~~et~~ æ sarcoma Græcis, vulgo carnositas, quam lithotomi corrosivis medicamentis atterunt. Hæc itaque ne succrescat, ulcera curo candelis quibusdam, compositis ex pulveribus plumbi usti, cerusæ, tuthiæ præparatæ, mistis cum cera, in urethram immittendis, & detinendis diu noctuque, quæ, meiendi pruritu sollicitante, educuntur: quibus solis hæc ulcera fano. Observandum tamen, non esse imponendas, fluente gonorrhœa, ne ab iisdem suppressa, exulceret collum vesicæ, & alias partes proximas; atque si malignitatis aliqua suspicio subsit, eadem candela imbuenda unguento ex cerusa camphorato, misto cum præcipitato pulverizato, absque ullo metu, ne hoc exulceret partes sanas; tum quia est correctum unguento ex cerusa; tum propria experientia duce, hoc scilicet non excoriare partes sanas, sed tantummodo extinguere malam qualitatem ulcerum, qua sublata, candelis supra dictis postmodum sanantur facillime, in quam rem utor etiam aqua Aponitana, assumpta per os, ad decem libras, cum spiritu terebinthinæ, aut vitrioli, decem aut duodecim dies, quatuor horis ante prandium, qua, urinæ meatum perlabente, ejusdem vi exsiccante ulcera urethræ facillime consolidantur, qua methodo quamplurima hujusmodi sanavi.

Et quia solent perforare urethram cum integumentis, aliquando in perineo, quandoque in scroto, ab illis, progressu temporis, fistulæ suboriuntur: quæ

quæ si in perineo, absente gonorrhœa, pars callosa circa urethram, & partes adjacentes, inuenda ferramento candente, quo caro illi accrescat, & ad cicatricem deducatur fistula; hac tamen lege, ne illa inuratur, atque fistula amplior fiat, nec urethra, pars spermatica amplius instauratur, & refarciatur; ut propterea sit futurum sit, eidem parti circum circa carnem inducere, quæ vice sit urethræ, ut cicatrice obduci possit medicamentis sarcoticis, & epuloticis jam dictis.

Observandum tamen, quod si pars interna urethræ non solidescit, oriri carunculam superius jam dictam; ac proinde in curatione harum fistularum, patienti candelam ceream in eadem semper gestandam, ne incassum omnia adhibeantur.

Si vero pars urethræ scroto opposita fistula laboraverit, urina ex ipsa effluens scrotum corrodit pluribus foraminibus, quæ curatio ardua admodum & difficilis, licet facili successu eandem sæpius hac methodo tentaverim. Expiato prius corpore, & exhibito decocto Guajaci, cum sudore, fluxioni sistendæ, statim accedo ad partem ipsam læsam, quæ si multiplex fuerit, omnes fistulas seco, & per candelam propositam omnem operam in sananda urethra adhibeo; cum alia ratione fistulæ scroti non omnino sint sanabiles, nisi cura palliativa, qua denuo recrudescunt: quod si non possit sanari urethra candela, scrotum secandum, usque ad illius fistulam, ipsaque inuenda, modo jam dicto, & carne sectæ partes opplendæ; ac tandem cicatrix inducenda medicamentis propositis. Contingit vero aliquando,

quod in quibusdam observavi, ut scilicet pertusa urethra ex gonorrhœa, amplo foramine, urina profluat, & scrotum repleat, ad magnitudinem quandoque capitis pueri, dilatatis nempe partibus ejusdem, unde dolor, & inflammatio insignis, ex qua tandem gangræna, & sphacelus; quorum causa, ferramentis candentibus, & incidentibus pars ipsa alienata, & emortua amputanda: quod aliquando observavi, scroto sphacelo corrupto, & extirpato, nudatos testes, foramine amplo in urethram patefacto; quod sanavi modo superius proposito, per candelam scil. & usu sarcoticorum ac tandem epuloticis: neque alia ratione vidi hujusmodi patientes sanatos, quæ licet ab aliis Medicis forte observata, propria tamen experientia confirmata, addere præter rem non existimavi.





D E

SPINA VENTOSA.



ARTERIA hujus morbi est Pituita, locus affectus semper articuli, nunquam vero internodia primaria; quæ tamen si aliquando corrumpantur, id fit ratione sympathiæ.

Modus generationis hic est; si pituita nutritioni articulorum dicata, putrescat, aut quodammodo fiat acrior, primo ossa corrumpit, & quidem nullo dolore, quibus postea corruptis, periostrum labefactatur; cujus signum, dolor pungitivus, acutus, & lancinans, ita ut patiens referat se veluti Spina pungi, unde spinæ nomen morbo inductum: dum vero hujusmodi dolore æger divexatur, atque periostrum eroditur, nullus adhuc apparet tumor; corruptis vero, & quidem primario osse, secundario vero periostrio, materia pituitosa libere permeans per loca carnosæ, attollit articulum affectum in tumorem, primo mollem, & laxum, ac doloris expertem, cuti concolorem qui patefactus

patefactus durior evadit, confluyente eo humorum copia, quorum tenuior pars exhalat, superstita crassiori; ex quo insuper emanat materia serofas atque specillo, os corruptum, prout dixi, se prodit. Ad vigesimum vero quintum annum circitur ut plurimum observavitur viros, tum fœmine, huic morbo obnoxios, non vero provectiori ætate, nisi antea eodem tentati necdum convaluerint.

Signa pathognomonica sunt, dolores a principio instar puncturæ spinæ, articuli affecti, adolescentia, tumor mollis, laxus, qui hians, serositatem effundit, cui si pus immistum fuerit, hujus ex corrosis partibus carnosus aliqua portio gignitur.

Quoad Prognosticum; hic morbus ægre sanabilis, tum propter assiduum materiæ confluxum; tum ratione corruptionis ossis, quæ quo gravior, difficilior evadit sanatio, incipiens facilius cedit antiquo; nunquam tamen sanandus, nisi remota fluxione, & sublato toto osse corrupto, vel igne, vel ferro.

Curationem quod attinet, statim ac patiens conqueritur de dolore pungitivo spinoso veluti, in articulis vel manuum, vel pedum, cubitorum, aut genuum, quanquam hoc rarius, sive malleolorum, statim, nullo licet apparente tumore, sectio ejusdem est facienda, a qua non tam cito demittendum specillum, quo os corruptum inæquale percipitur, indicio ejusdem ante ipsum periostrium corrupti, tunc vero prima elicitur indicatio, nempe ejus cariem abradendi, sine cujus præsidii opem in ulceribus, tum in vulneribus nunquam ad firmam cicatricem deducuntur; osse vero sublato

lato, curanda carnis generatio, cicatrice tandem induc̃ta, methodo recepta.

Quod si propter loci profunditatem ferramenta abraforia insinuari non possunt, utendum igne actuali.

Dilatato igitur foramine, sectione, spongia præparata, radice gentianæ, medulla sambuci aut forgi, in idem demittenda cannula ferrea utrinque perforata ; mox candenti ferramento os corruptum, inurendum, quousque perito artifice ex usu videatur futurum, ut statim abscedat, tum vero curationis quod superest, modo superius proposito prosequendum.

Quia vero interdum accidit, ut totum internodium, maxime in pueris, digiti manus, vel pedis sit corruptum ; hoc casu neque ignis neque ferramenta juvant ; quorum loco utendum trepano tenuiori, quo perforanda media pars ejusdem, a qua, forficulis affabre in hunc usum paratis, partes laterales secandæ, atque totum internodium paulatim educendum volsella, cujus vacuus locus progressu temporis carne oppletur, quæ quidem in pueris duriori quodammodo facta, & veluti callosa ; ossis vice fungitur ; quanquam ubi totum internodium est ablatum, digitus, musculis ad caput suum adductis, & cedente carnis mollitie, decurtatur.

Quod si Medicus accedat, facta jam soluta unitate ab ipsa materia pituitosa ex putredine acriori facta, tota curatio dirigitur ad ablationem ossis corrupti, machinamentis, & industria superius propositis ;

positis; quibus aliquando duo, tria aut plura quinetiam officula evelluntur.

In ossis vero abrasione, ustione, aut evulsione, cavendum ne tendines offendantur, metu convulsionis.

Hæc est curatio topica hujus morbi; cui totius corporis cura præmittenda, medicamentis pituitam expurgantibus: quinimo ad exsiccandum, exhibito decocto ex China, sarfa, ligno Guajaco, & hujusmodi.

Atque hæc satis de curatione spinæ Ventosæ; de qua agere decrevi, utpote a nullo Auctore accurate, data opera satis explicata.





OBSERVATIONES POSTHUMÆ

Ex Auctoris M. SS. excerptæ,

Ultimæ editioni additæ.

De Pudendis Muliebribus.



OBSERVATIO I.

Puella laborans conjunctione labiorum Pudendi.



ANDEM superest casus, a me observatus, Vaginæ Pudendoque Muliebri accedere, vobis enarrandus. Nobilissimam itaque observavi Puellam, ætate duorum annorum, laborantem conjunctione labiorum Pudendi & Vaginæ, ilæso tamen meatu urinario; quam, ut labia a , & a vagina separarentur, manifesteque appareret natura, secare coactus fui, & per mediam sectionem intromittere turundam, ovi albumine,

R

cum

cum aqua rosacea simul quassatis, imbutam, primis quinque diebus; octo vero sequentibus, unguento ex cerusa camphorato adhibito eam sanam præstitam; sicut infantibus, ano, membroque virili imperforatis accidere observavi.

OBSERVATIO II.

Mulieris Vagina unita post partum.

ITA & post partum, in quadam Muliere Vaginam, & labia pudendi tam arcte unita vidi, ut mariti pudendum prorsus excluderet. Convocato Medicorum consilio, deliberatum fuit, a vasis disruptis in partu, carnis concrefcentiam, Vaginæ non solum, verum etiam connexionem cum labiis pudendi subortam, necessariamque fore sectionem, sicut in puella superius enarrata, quæ iisdem medicamentis, octo dierum spatio adhibitis, patefacto foramine, fuit liberata.

OBSERVATIO III.

*Crusta ex Arenulis in Vagina post partum, concreta.
Casus rarus, nec ab aliis descriptus.*

UXORI cujusdam Mercatoris Vicentini, a Vaginæ partiumque primarum exulceratione ob insignem arenularum copiam, insignis crusta suborta fuit, cum sævissimis doloribus, vigiliis, febribus, adeo ut nec stare, nec sedere permissum illi esset; sed semper in cunis, a famulis agitata, sicut pueris consuetum, decumberet. Variis a Medicis adhibitis incassum remediis, tandem

dem me accessit; quam injectionibus ex oleis amygdal. dulcium, violarum, pinguedine vituli, jure pingui intestinorum, lacte, aliisque similibus, necnon injectione aquæ dulcis fluvialis, cui incocta fuerant folia vitis, malvarum, violarum, plantaginis, sonci, & lactucæ, dum curare tentarem; mihi tamen, etiamsi remittebantur dolores, omnia frustra fuerant. Tandem bis, terve per diem pinguedine humana injecta, arenulam a tunica vaginæ separari, rubicundamque carnem apparere vidi; atque tum lacte asinino per siphonem infuso, donec dolor sanatus fuit, usus sum, quo sublato, unguento ex succis, & ex cerusa illam ad pristinam perduxi valetudinem.

OBSERVATIO IV.

Nymphæ claudentes meatus Urinarii, & Vaginæ foramina.

ALTERAM observavi juvenem, annum decimum quintum agentem, nymphas, spithamæ unius & mediæ, mole tumentes, patientem ex copia sanguinis pituitosi, occludentes orificia meatus urinarii & vaginæ, effluente per podicem urina, nullo vero dolore molesto; impresso digiti foveam exhibebant, carnis colore, & conditione. Utramque æqualiter fecui, partem inferiorem inussi, & medicamentis digerentibus, & cicatrizantibus ipsam curavi.

OBSERVATIO V.

Ulcus intestini recti vaginam penetrans, cum stercoris per eandem excretionem.

QUANDAM vidi Meretricem, ulcus in intestino Recto ex Venere præpostera patientem, vaginam penetrans, cum excretionem stercoris per vulvam, ab omnibus incurabile, quod tamen a me hunc in modum sanatum est. Prius immisso per foramen intestini recti filo, ac per vaginam educto, & instrumento ferreo curvo appenso, quod vulgo Falcetta dicitur, secui, & ex duobus foraminibus unicum effeci, & medicamentis digerentibus partem curavi, ac unguento ex betonica, matrisylva, cerusa, tutia permistis, cum aliqua portione præcipitati, propter luem Gallicam, carnem produxi, & unguento Placentini, confecto ex succis, & calce, cum pulvere minii, præcipitati, & cera q. s. f. a. illam sanavi.

Valeat autem hoc unguentum, sicut pluries expertus sum, ad ulcera Gallica, Sarcotici loco, & Epulotici.

Hinc sequitur, non esse statuendum, juxta mentem Auctorum, ulcera Vaginæ esse incurabilia; distinguendum enim, an perforatio vaginæ, & intestini recti sit facta supra musculos, tum naturæ, tum ani, an vero infra; si supra, insanabilia sunt, si infra, sanantur.

OBSERVATIO VI.

Distinctio ulcerum a Gallica lue, vel ab humoribus evacuantibus subortorum, & Curatio per Universalia, ac Topica.

HINC distinguendum, ulcera in labiis vulvæ exorta non semper a lue Gallica provenire; quia aliquando a pituita falsa, a bilioso humore acri eo decumbente, & partes exulcerante, generantur; sananturque causa sublata, medicamentis scil. pituitam falsam, & bilem expurgantibus, & eorundem acrimoniam demulcentibus. At si cruda, profunda, indigesta apparebunt, & sordida, digerentibus, abstergentibus, mundificantibus est utendum, donec unguentis e tuthia, cerusa, & lithargyro ad cicatricem perducantur.

Quando vero ulcera fuerint venerea, debent curari prius purgationibus; auferendo malam qualitatem cum massa sanguinea permixtam, decocto, & sudore, antequam ad partem affectam localibus medicamentis accedamus. At quia multi committuntur errores in exhibendo decocto, a quibusdam medicis, dum herbarum multarum misturam addunt, quibus obtundunt vim proprii medicamenti, hac ratione, quod aliis morbis, præter luem veneream, Patientes sint affecti; qui tamen ignorant luem Veneream, massam sanguineam alterando, viscera debilitare, aliasque inducere affectiones, illaque

que sublata, & reliqua tolli. Ideo his exhibeatur semper decoctum confectum ex medulla ligni Guajaci, cortice, & portiuncula Sarsæ, quia Sarfa cum sit tenuium partium, est instar vehiculi Guajaci, per quadraginta dies, alioquin gummata, articulares dolores, ozæna, ophthalmiæ suboriuntur. Victus his diebus, sint semper pasfulæ, amygdala, nuclei pinei, panis biscoctus. Singulis vero decem diebus, nec fumant ægri medicamentum, nec laute comedant, bibantque vinum, sicut quidam Empirici, Tironesque artium in quibusdam regionibus faciunt, & præcipue Venetiis, quia cum lues Venerea maximam obtineat antipathiam cum vino, ex ejus vel levi usu nulli sanantur, in pejus quinimo labuntur. Unde illo die portiunculam carnis assatæ, vel aves, aut ovum forbile comedat Patiens, bibatque semper aquam secundam Decocti, odoribus ad libitum alteratam. Et si patiens hujusmodi victum toto spatio sudoris tolerare non possit, ovum forbile quolibet mane ei concedatur.

Partis vero affectæ mala qualitas & malignitas si quæ aderit, tollatur unguento ex præcipitato, supra applicito. Improbo vero aquam ardentem, oleum sulphuris, & tartari, quia sua acri facultate ulcera augent, sævissimosque inducunt cruciatus, & aliquando Cancros. At præcipitatum tollit malignitatem licet lævissimum inferat dolorem, partem corroborat, adeo ut facilius digeratur, quia parte digesta, producitur denuo caro, unguento ex cerusa, misto cum præ-

præcipitato, aut e tuthia cum portiuncula Isidis.
Cicatrix vero inducatur unguento e minio,
cum tuthia permisto. Si hunc talem in ulce-
rum medela observaveris lector ordinem, omnes
curabis.

*Finis mearum observationum Chi-
rurgicarum cum perfecta me-
dela.*

F I N I S.



ERRATA.

Page 30. Observ. 20. lin. 4. *expurgari*, lege *expugnari*. P. 42.
Obs. 29. l. 3. *faucibus*, lege *fauibus*. P. 46. Obs. 32. l. 1. lege
Lingua, ex *vulnere* *scilicet* *curato*. P. 48. Obs. 34. l. 4. *ex lege*
et. P. 56. Obs. 39. l. 1. *eum*, lege *cum*. P. 75. Obs. 55. l. 1.
locus, lege *loco*. P. 82. Obs. 61. l. 5. *causa*, lege. *causa*.



OBSERVATIONUM

Medico-Chirurgicarum

SYLLABUS.

V Ulnus cum Fractura Cranii, & effluxu particulæ Cerebri, in sene sexagenario.

OBSERV. I. PAG. I.

Vulnus partis posticæ capitis, cum fractura Cranii, & cerebri parte corrupta excreta. II. 3

Portio cerebri, cum annexa dura & pia membrana, ex cranii Fractura educta. III. 4

Vulnus mediæ partis capitis, ad corpus usque callosum pervadens, cum magna vi sanguinis effusi, ad lipothymiam usque, feliciter sanatum.

IV. 6

Vulnus magnum, cum paralyfi brachii oppositi, & linguæ, sanatum, educto frustulo ossis, cum portione membranæ piæ, & Cerebri. V. 7

Fungus ex capitis vulnere pulveribus ex spica, & schœnantho inspersis, sanatus. VI. 8

Epilepsia, duos aut tres menses, a vulnere cranii intempestive obducto, terebratione sanata. VII. 9

Vulnus cum insigni depressione frontis, eadem non sublata, sed rima tantum dilatata, triginta diebus sanatum.

VIII. 10

Vulnus posticæ partis capitis, cum depressione ossis, & contusione, sine terebratione perfecte sanatum in puella.

IX. *ibid*

Ex vulnere anguli majoris oculi maturius occluso,
S aliud

OBSERVATIONUM

- aliud vulnus in cervice, cum febre, quæ cessavit, eodem patefacto & curato. Obs. X. P 11
- Vulnus musculi temporalis, cum fractura Cranii, & membranæ duræ, accedente febre viginti dierum, sine terebratione feliciter sanatum. XI. 12.
- Contusio gravis sincipitis, cum prolapsu in terram, & privatione facultatum principum, neglecta terebratione, lethalis. XII. 14
- Vulnus capitis, cum fractura ossis sincipitis, & frontis, scalp pro dilatata rima, post septimam sanatum. XIII. 15
- Vulnus Capitis sine fractura, & rima cranii, decima quarta lethale, ob copiam puris inter utramque membranam delitescens ex cerebri contusione. XIV. 17
- Vulnus anterioris frontis, ad meditullium usque lethale, citra ullam cerebri, & membranæ labem, omnibus licet symptomatibus vulneris capitis præsentibus, cum hiatu futuræ lambdoidis, & materia saniosa intra ipsas futuras, & supra menyn gem delitescente; præter alias observationes magni momenti in curatione vulnerum capitis cum fractura. XV. 19
- Cutis capitis, Ursi unguibus, cum pericranio ad futuram usque lambdoiden discerpta, sanata, succrescente in ejus vicem alio tegmine illi analogo, cum capillis. Cortesius refellitur de perforatione Cranii in futuris. XVI. 26
- Vulnus frontis amplum, ad oculos usque pervadens, cum cæcitate derepente suborta, sanatum. XVII. 27
- Dolor capitis sævissimus ex lue Venerea sive gummate, in septuagenario, repetita terebratione ejusdem, sæpius sedatus, & recurrens per longa intervalla, cum gravibus quandoque symptomatoma-

SYLLABUS.

tomatibus; tandem eodem præsidio omnino
sanatus. Obl. XVIII. P. 28

Dolor immanis Capitis ex lue Venerea, decocto
sudorifico quadraginta dies exhibito, neque aliis
validioribus præfidiis cedens, terebratione ca-
pitis sedatus, atque omnino sanatus. XIX. 30

Hemicrania gravissima in muliere, terebratione
capitis sanata, eo temporis spatio, quo patuit
foramen, quæ recurrens, eodem obstructo, nul-
lis postmodum remediis ex methodi lege præ-
scriptis, expugnari potuit. XX. *ibid.*

Meliceris anguli majoris oculi, ad pupillam pro-
tensa, multis remediis frustra, curata magna
arte cum folliculo secta, & extirpata, illæso
oculo. XXI. 31

Fistula lacrymalis in puella, sanata sectione, cau-
stico, aliisque præfidiis, ex artis lege. Acce-
dit, contra multorum sententiam, vera & tuta
fistulas lacrymales curandi methodus.

XXII. 32.

Vulnus anguli majoris oculi, inflictum manubrio
flabelli, sanatum, cujus, suborto tribus post
mensibus tumore, ex palato portio fracta educta
fuit.

XXIII. 35

Atheroma inferioris palpebræ, interna parte, pro-
pe angulum majorem oculi, ab ortu genitum,
avellanæ mole, in puella quinque mensium,
sectione extirpatum, & sanatum. XXIV. 36

Tumor carneus palpebræ inferioris, prope angu-
lum externum oculi, feliciter sanatus.

XXV. *ibid.*

Contusio nasi gravis, cum fractura, & commi-
nutione ossium ejusdem, felici successu sanata.

XXVI. 37

Obstructio utriusque naris, altera quidem inte-
gra, a polypo spurio, carne scilicet callosa ul-
ceri ex contusione externa accrescente; alia

OBSERVATIONUN

vero imperfecta, feliciter fanatæ. Obs. XXVII. P. 39
Caro totum meatum auditorium ad tympanum
usque obstruens, ac durior, ab ortu, in adoles-
cente 14. annorum, purulenta & foetida fero-
sitate manans, fanata, auditu abolito restituto.

XXVIII. 41

Cancer exulceratus labri inferioris maxillæ, in
sene octoginta quatuor annorum, sectione fana-
tus, tribus post annis in faucibus sobolescens,
cum morte ægri. Accedit canceri exulcerati
historia, in muliere septuagenaria, solo usu
unguenti ex cerusa, fanati.

XXIX. 42

Cancer exulceratus labii inferioris, ovi palumbi
mole, sectione perfecte fanatus.

XXX. 44

Tumor meliceris, a parte sub lingua, ubi rani-
næ, sensim per partem dextram colli, juxta
jugulares venas, & carotides arterias, ad fauces
exporrectus, respirationem intercipiens, sectio-
ne perfecte fanatus.

XXXI. *ibid.*

Lingua, ex vulnere sclopeti curato, partibus
subjectis arcte coalescens, cum impedita locu-
tione, perita sectione superata, ac restituta.

XXXII. 46

Tumor carneus, & scirrhusus ad raninas, cum
impedita locutione, & motu linguæ, sectione,
& inustione solerti fanatus.

XXXIII. 47

Tumor gingivæ, sub quo, non solum dens, sed
& ejusdem alveolus, cum parte mandibulæ in-
ferioris, usque ad os jugale, corrupta, ubi su-
bortus novus tumor, qui sectus, patefecit labem,
qua abrasione, & inustionibus superata, æger
sanitati fuit restitutus.

XXXIV. 48

Meliceris colli prope asperam arteriam, & venas
jugulares externas, in cujus dissecto folliculo
alius ejusdem generis tumor, sed minor, deli-
tuit, sua & ipse membranula conclusus.

XXXV. 49

Tumor

SYLLABUS.

Tumor colli inflammatorius in puero mensem nato, cum læsa deglutitione, quatuor cucurbitulis cum scarificatione scapulis, & infra eadem adhibitis, sanatus. Aliquot exempla venæ sectionis feliciter administratæ in pueris acuto morbo laborantibus. Obs. XXXVI. P. 51

Fistulæ colli anterioris infra laryngem, ex tumore a barbitonfore intempestive sanato. Observanda in curatione vulnerum colli, ne venæ jugulares, & carotides arteriæ lædantur.

XXXVII. 52

Duæ Fistulæ sub axilla, variis remediis frustra tentatæ, igne actuali feliciter sanatæ.

XXXVIII. 55

Qua ratione curandæ fistulæ thoracis, cum labe ipsius ossis sterni, quod abrasione solum, nonnunquam vero inustione, tentandum.

XXXIX. 56

Vulnus sclopeti in articulatione humeri cum scapula, sanatum, decem annis incolumi ægro; a quibus oborto in eadem parte tumore, totum acromium corruptum vossella eductum.

XL. 57

Vulnerum in Thoracis cavitatem penetrantium; tum eorum quæ, læsis intercostalibus vasis, sanguinem in eandem effundunt, tum quæ iisdem integris, infliguntur, vera curandi methodus. XLI. 58

Ex vulnere Thoracis inter quartam & quintam costam, Epilepsia suborta, qua nunquam alias correptus fuerat æger, turunda immissa, recurrens.

XLII. 59

Pus ex vulneribus Thoracis superioris in ejusdem cavum effusum, sine sectione quandoque per alvum expurgatum, convalescentibus illico ægris, quo id citius contingit.

XLIII. 60

Empyema ex pleuritide, sectione inter quintam, & sextam costam, felici successu sanatum, frustra

OBSERVATIONUM

tra adhibitis, ex consilio Medicorum magni nominis, externis medicamentis. Obs. XLIV. P. 61
Ex vulnere in Thoracis cavum penetrante inferius, perperam viginti dies obligato, febris, totius corporis macies, cum delirio suborta, a suppresso pure; quo expurgato, omnia remissa, sanato ægro. Ex squalore corpus squamis instar piscium obsitum. Error vulgarium Chirurgorum, qui vulnera thoracis non explorata, aquis balsamicis intempestive occludunt, notatur.

XLV. 63

Ex vulnere Thoracis, superius, magna puris copia in ejusdem cavo congesta, sectione inter quintam & sextam costam expurgata; nec non per os, & urinam, diei spatio.

XLVI. 65

Ex vulnere Thoracis fistula suborta, quæ spatio aliquot mensium pervadens ad capsulam Cordis, hujus substantiam ad fibras usque cavitatis absumpsit.

XLVII. 67

Ex Aneurismate arteriæ magnæ sub corde, sanguis effusus in pulmonem dexterum, cum suffocatione Patientis.

XLVIII. 68

Difficultas respirationis, cum dolore hypochondriorum, ex amplo Corde firmiter annexo Diaphragmati & Pleuræ.

XLIX. 69

Dolor ventriculi, cum sanguinis vomitu recurrens, in abscessum fundi ejusdem mutatus, frustra curatus, tandem omnino sanatus.

L. 70

Vulnus abdominis penetrans, cum prolapsu omenti, quod sectum, licet non omnino corruptum, nec tamen obligatum, ex magna vi sanguinis in inguen ejusdem partis decumbentis, abscessum in eo excitavit, qui sectus, educto multo pure, remediis accommodatis perfecte sanatus.

LI. 71

Tumores jecoris suppurantes, in gibba potissimum ejusdem parte tuto secantur; in cava vero, per urinam

STLLABUS.

- urinam expurgandi, exemplo Virginis, quæ tumore ejusdem partis laborans, per urinam magna vi puris excreta, eo liberata est. Obs. LII. P. 72
- Fistula umbilici ad intestina usque serpens, diu frustra curata, parvo temporis spatio feliciter sanata. LIII. 73
- Epiplocele cum farcocele conjuncta, ex erosione omenti complicati, enata carne in spithamæ longitudinem ex inguine propendente. LIV. 74
- Buboncele loco bubonis Venerei ab imperito barbitonfore secta, prodeuntibus alvi fæcibus, brevi temporis spatio sanata. LV. 75
- Quinque fistulæ femoris ex vulnere sclopeti cum tumore, & osse carioso, male curatæ, sublato callo, & accommodatis remediis sanatæ quidem, ob extremum tamen os fractum supra aliud diutius coalescens, aliorum Medicorum incuria, claudicante ægro. Quod antiquæ fracturæ ex vulneribus sclopetorum sint insanabiles. LVI. 76
- Ulcus amplum depascens totius cruris, male curatum, frequenti scilicet inustione, & exsiccatione nimia ossis, ejusdem abrasione, & accommodatis remediis sanatum. LVII. 78
- Testiculi in inguine delitescents, in infante octomestri, frustra diu tentata suppuratio, alterius tumori loco. LVIII. 79
- Ex Gonorrhœa Venerea antiqua, variis fistulis pertusum collum vesicæ, prope urethram, cum effluxu urinæ, non solum ex scroti pluribus locis, verum etiam ex inguinibus, præter spem sanitati restituto ægro. LIX. 80
- Meatus urinarius gravissimo errore pro fistula pendendi muliebris curatus. LX. 81
- Uterus laxatus a partu puellæ, pro secundinis non procedentibus, ab obstetrice imperita manibus magna vi attractus, & præcipitatus, suborta illius

OBSERVATIONUM, &c.

illius inflammatione & gangræna, illustrissimæ
matronæ mortis causa. Obs. LXI. P. 82
A Morfu equi refractarii detruncatum tertium in-
ternodium pollicis, cum evulsione tendinis mus-
culi illud flectentis, ex voto sanatum.

LXII. 83

Nervos, & tendines vulneratos non esse suendos,
contra Severini sententiam. Tendinis vulnerati,
ex secta vena jecoraria lethalis, historia.

LXIII. 85

<i>De Fistulis Ani, & intestini recti</i>	88
Earum differentiæ.	CAP. I. PAG. 88
Causæ.	II. 89
Signa diagnostica.	III. 90
Prognostica.	V. 91
Curatio.	VI. 94
Symptomata fistulis ani & intestini recti superve- nientia, & earum curatio.	VI. 103
Observanda in earum curatione.	VII. 105
Observatio de eisdem.	107
De Ulceribus Ani.	108
De eisdem observatio singularis.	III 111
De Ulceribus & Fistulis Urethræ.	113
De Spina Ventosa.	117

Observationes Posthumæ.

Puella laborans conjunctione labiorum Pudendi.	I. 121
Mulieris Vagina unita post partum.	II. 122
Crusta ex Arenulis in Vagina post partum, con- creta. Casus rarus, nec ab aliis descriptus.	III. <i>ibid.</i>
Nymphæ claudentes meatus Urinarii, & Vaginæ foramina.	IV. 123
Ulcus intestini recti.	124
Distinctio ulcerum a Gallica lue,	125

